

續日本後紀

自十四卷

149
40
9

東京圖書館

冊	號	架	函	屬	類
077	96	9	117		

明治十八年七月四日文部省交付

續日本後紀卷第十四起_新一年正月盡十二月

大政大臣從一位臣藤原朝臣良房等奉勅撰

十一年春正月甲申朔廢朝賀大雪也天皇御紫宸殿侍從已上

賜御被_西戊天皇朝觀太皇太后於冷然院讌樂終日賜扈從

五位已上拜有差已丑山城國上鐵甲一領云件甲裹布袋流

著_舊州庚寅天皇御紫宸殿宴群臣詔授无品基貞親王三

品無品宗康親王四品從四位下安倍朝臣安仁從四位上无位

基伎王從四位下從五位上長田王正五位下正六位上並山王


鎌倉王並從五位下從四位下橘朝臣氏人正四位下從四位下

田口朝臣依波主藤原朝臣長並從四位上正五位下藤原朝臣

輔嗣良岑朝臣本連並從四位下從五位下藤原朝臣安永在原

朝臣大津紀朝臣野長路真人永名坂上大宿祢正野百濟王善

義清瀧朝臣河根並從五位上外從五位下大岡宿祢豐繼伴宿



祢真足豐岡宿祢真黑麻呂正六位上藤原朝臣有貞藤原朝臣
 三藤菅原朝臣是善清原真人清海藤原朝臣菅雄紀朝臣筑紫
 麻呂藤原朝臣松影藤原朝臣貞道道真人繼足小野朝臣恒村
 秋篠朝臣氏永中臣朝臣逸志高橋朝臣安雄飯高朝臣永雄橘
 朝臣高成大和真人吉直丹墀真人博太磨並從五位下正六位
 上高丘宿祢真雄阿保朝臣永善名草宿祢安成成治宿祢丹生
 麻呂並從五位下宴竟賜祿有老 辛卯於大極殿修葺勝會授
 正六位上高階真人三嶋磨從五位下從四位下藤原朝臣諱其
 後從二位陸奧國磐城郡大領外從五位下勳八等磐城臣雄公
 戶口廿四人男十四人女十人磐城臣貞道戶口十人男七人女
 三人磐城臣彥成戶口四人男三人女一人磐城臣秋生戶口三
 人男二人女一人賜姓阿倍磐城臣 壬辰皇太子入覲於清涼
 殿拜舞給被授所生女御藤原氏從三位也 甲午從四位上藤

原朝臣長良橘朝臣岑繼並為參議正四位下紀朝臣名虎為刑
 部卿參議從四位上和氣朝臣真綱為美作守右大弁如故 丁
 酉最勝會竟更引名僧於內裏論義訖施御被 己亥天皇御
 紫宸殿宴待從己上覽踏歌畢賜祿有老 庚子天皇內宴於仁
 壽殿公卿及知文士五六人陪焉同賦上春詠之題別有勅令三
 品基貞親王預宴日暮賜祿有老是日叙內教坊妓女石川朝臣
 色子從五位下 二月甲寅朔日有蝕之 乙卯除菽田使從五
 位下笠朝臣數道為山城國次官從五位下路真人永名為攝津
 國次官 丙辰能登國言依去年十月十七日官符以定額寺為
 國分寺訖望請停讀師被給講師者勅依請許之 辛酉授外從
 五位下阿保朝臣永善正六位上安倍朝臣氏主並從五位下從
 五位下並山王為齊宮頭正五位下長岑宿祢高名為兼權頭伊
 勢守如故 壬戌行幸水成瀨野賜扈從群臣侍從己上及攝津

國司等祿日暮乘輿迴宮 丁卯秋奠公卿就大學行夏 戊寅
 行幸交野賜扈從群臣侍從已上及河內攝津等國司祿日暮車
 駕還宮 己卯參河國言永停任讀師以其布施物充用造寺料
 其法會之時以國分僧薦次第行之者勅依請許之 庚辰掌侍
 從四位下大和朝臣館子為典侍 三月甲申朔戊子外從五位
 下下毛野朝臣田會磨為造酒正 戊戌但馬國上帽子單衣腰
 帶草鞋刀子等一櫬其體樣早小不似此間之物疑侏儒國物流
 著者款 乙巳有勅召備後國權守從四位下善道朝臣真貞令
 入京 己酉天皇朝覲太皇太后於冷然院宴侍從已上賜祿有
 差 庚戌授從五位下惟良宿祿春道橘朝臣貞根並從五位上
 從六位上內藏忌寸雄繼外從五位下 夏四月癸丑朔 天皇
 御紫宸殿宴侍從已上賜祿有差 壬戌太宰府言管大隅薩摩
 壹岐等國嶋選久任職大小是同除災祈福彼此不異方今北國

皆有誦讀師之職修正月安居等夏而神國嶋既無誦讀之職還
 失鎮護之助加以國分二寺雜物觸類多既無網維令誰檢領
 望請准諸國之例置誦讀師者府司商量所陳有理望請准管內
 諸國博士醫師之例府司於觀音寺與彼誦師共簡試部內精進
 練行智德有聞堪任誦師終始無變者將補任之者勅誦師者依
 請補任讀師者莫更置之但安居看會之日依延曆廿五年三月
 格以國分僧次第誦之 丁卯從五位上三嶋真人岡麻呂為散
 位頭 庚辰天皇御武德殿覽諸牧駒馬及騎射 壬午參議式
 部大輔從四位上滋野朝臣貞主以在西寺南居宅一區捨為道
 場仍言私建道場是格之所禁也雖是舊宅事似新建但此家之
 為體前臨澗水後隔佛地去寺迫近殆同伽藍凡寺邊二里本禁
 殺生而家人奴婢動事渙經近寺之弊還犯憲法望請使入西寺
 命為別院号其名曰慈恩院東大寺僧傳燈住位圓修承為別當

三網在別人自此以後別當三網隨禮越願令宛行之者勅聽之
五月^{庚辰}亥天皇御武德殿覽四衛府射 戊子御武德殿覽中
衛府騎射種種馬藝 丙申甲斐國言山梨郡人伴直富成女年
十五嫁鄉人三枝直平麻呂生一男一女而兼和四年平麻呂死
去也厥後守節不改年也四十四而攀号不止恒事齋食敬於靈
床宛如存日量彼操履堪為節婦者勅宜終身免其戶田租即標
門閭以旌節行 戊戌越前國飢遣使賑給之 己亥參議從四
位下正躬王為兼遠江守左大弁如故 辛丑淡路國言他國漢
人等三千餘人賣王臣家牒群集濱浦寬凌土民伐損山林雲集
霧散盤惡不休又官舍驛家皆在海邊而接居波間譬猶魚鱗縱
有大災可難撲滅勤加禁漸國力不足望請官符皆悉禁制官宣
且嚴加禁止勿令更然如不遵制旨尚致濫猾立加史罰以懲將
來但所犯之罪杖罪已上者勘錄所犯及姓名早速言上 壬寅

武藏國言多摩郡猪江鄉戶主刑部直道繼戶口同姓真刀自咩
為同鄉刑部廣主妻生四男三女經廿一年夫乃死矣真刀自咩
居喪有禮竟死如生墳側結庐晨昏悲泣推移穢月終始不渝見
其操行可謂節婦者勅宜特授位二階兼終身免同戶田租 甲
辰奉授山城國水主神從五位下 六月癸丑朔天皇御紫宸殿
宴待臣賜祿 丙辰奉授伊勢國正五位下多度神從四位下若
狹國飢遣使賑給之 己未太宰府獻白鳥一雙 丁卯日本紀
讀畢 戊寅主水司言司家之政觸類繁多而本自無印只用白
紙更涉輕疎未免嫌疑望請准內膳采女等司被給伴印者勅宜
宛之 庚辰正五位下伴宿祢成益為兼左中弁大藏大輔如故
甲申出羽國京上郡人外從八位上勳七等伴部道成男外少
初位上勳九等繼益白丁吉繼秀益繼守同姓勳九等福尊等七
人賜姓吉弼候 秋七月壬午朔癸未任左右大臣詔曰天皇 我

詔旨良宜大命乎親王諸王諸臣百官人等天下公民衆聞食
 止宣食國乃法止定賜北行賜留國法隨尔先立先立止從二位
 源常朝臣乎左大臣官尔任賜布又宣久正二位橘氏公朝臣波
 於朕天近親亦在又可仕奉倍次尔在尔依毛天秦右大臣官尔治
 賜以勅不天皇大命乎衆聞賜止宣又勅曰在唐天台請益僧圓
 仁留學僧圓載等又遊絕域應之旅資宜附圓載兼從僧仁好還
 次賜各黃金二百兩者所司准勅分付如前 辛卯從五位下鎌
 倉王為少納言 癸巳請百僧於八省院轉讀大般若經祈耳雨
 是日雨降 閏七月壬子朔天皇御紫宸殿四衛府獻物宴五位
 己上賜錄有老 戊午天皇御仁壽殿令奏林邑樂未曾覽此樂
 故也 辛酉左大臣從二位兼行左近衛大將皇太子傳源朝臣
 常上表曰云云優詔不許 壬申奉幣伊勢大神宮祈防風雨災
 癸酉左大臣源朝臣常重上表曰云云勅書於左大臣曰所表

具之堂高則階遠爵貴則祿優二者之來一定之道而卿深鑒損
 挹固守冲虛減封之請前後累通朕與卿昆季義兼家國偏行則
 公議不聽兩遂則私情難忍雖賞輕德重自先免害盈之嫌而孤分
 枝連欲益福謙之利故屈之于此申之于彼以元來望宜知此意
 八月辛巳朔 天皇御紫宸殿覽芳宜花宴老臣皆有復古之
 歎日暮賜五位已上衣被有差 乙酉文章博士從五位上春澄
 宿祿善經大內記從五位下菅原朝臣是善等被大納言正三位
 藤原朝臣良房宣稱先帝遺誡曰世間之事每有物恠寄崇先靈
 是其無謂也者吟隨有物恠令所司卜筮先靈之崇明于封兆臣
 等擬信則恠遺誡之旨不用則忍當代之咎進退惟谷未知何從
 若遺誡後有可改臣子商量改之耶以否由是略引古典證據之
 文曰昔周之王季既葬後有求而成變文王尋情奉之也先靈之
 崇不可謂毋又有幽明異道心支相違者如北齊富豪梁氏是也

臨終遺言以平生所愛奴為殉家人從之奴蘇言忽至官府見其
亡主主曰我惟亡人得使奴婢於遺言喚汝今不相關當自官放
汝謂家人為我修福云云又春秋左氏傳魏武子有嬖妾無子武
子疾命其子顛曰必嫁病困則更日必以為殉魏顛擇之從其治
也謂病未至困也遂待老夫結草之報尚書曰女則有大疑謀及卿士謀
及卜筮白虎通曰定天下之吉凶成天下之亹亹莫善於蓍龜列
梁辨和同論曰夫事有違而得道是以君子之於事也無適無莫
必考之以義由此言之卜筮所告強不可信君父之命量宜取捨
然則可改之復何疑也朝議從之 癸巳幸北野駐蹕於聖林院
閱覽池塘錫宴群臣日暮還宮 乙未紀伊國名草郡人右兵衛
從六位下紀堤臣清繼賜姓紀朝臣 丁酉奉授陸奧國无位勳
九等刈田領神无位鼻節神並從五位下緣有靈驗也 庚子差
峨太皇太后不豫遣中使奉問起居 癸卯丹波國多紀郡人看

院主典從七位上常澄宿祢成主改本居貫附左京一條二坊
九月辛丑朔雨快降先是不雨已久井泉涸竭故今人人以為喜
澍 己未天皇御紫宸殿宴重陽節公卿已下至六位文人同賦
問秋光之題訖賜祿有差 庚申外記曹司廳前白虹見 丙寅
近江權守從四位下藤原貞主卒也南朝參議從三位大藏卿楓
磨之孫從五位上園主之子也弘仁十三年叙從五位下類經內
外官所在必著治迹屬美和九年近江國關門警固時貞主居其
國介被叙四位使任權守立性溫慧莅政幹瀆雜案牘成堆庶務
猥積而飲酒之興不曾休廢醉後跡明割斷如流故吏民不敢欺
之卒于時年七十 戊寅從五位下長岑宿祢秀石為豐前介
冬十月庚辰朔天皇御紫宸殿宴侍從已上賜祿有差 庚辰左
京人玄蕃助從六位上日置宿祢真淨造輪田使主典大初位上
繼大初位上國長大初位上益繼无位淨海等賜姓三統宿祢

壬子鴨
上下大
神宮祇
耳外從
五位下

十一月己酉朔辛亥奉授紀伊國從五位下志摩神伊達神靜火
神並正五位下賀茂縣主廣友等疑云所謂鴨川從二神社指南
流出而王臣家及百姓等取鹿彘於北山便洗水其未流來觸
神社因茲汚穢之崇屢出御卜雖加禁制不曾順慎宜自當國迄
于河源嚴加禁斷若違犯者禁其身申送國郡司并祢宜祝等許
容之者必處科 壬戌參議從四位上滋野朝臣貞主為兼勘解
由使長官式部大輔讚岐守如敬 丁丑行幸水成瀨野山城撰
津河內等國司獻御贄還離宮賜危從臣及國司等祿日暮車駕
還宮 丙戌山城國紀伊郡人未使逆磨改本居貫左京三條
丁亥奉授從五位上稻荷神從四位下 壬寅散位從四位下動
七等坂上大宿祢鷹主卒 壬午除班田使參議從四位上正躬
王為山城國長官參議從四位上滋野朝臣貞主為大和國長官
刑部大輔從五位下丹墀真人門成為次官參議從四位上安倍

朝臣安仁為河內和泉兩國長官參議從四位上藤原朝臣助為
撰津國長官是日從五位下登朝臣數道為丹後守 癸未左京
人大政官史生從八位下楊津連第主內豎无位楊津連繼吉賜
性恒世宿祢 乙酉天皇御八省院癸遣奉幣使於伊勢太神宮
戊子撰津國言依去天長二年正月廿一日兼和二年十一月
廿五日兩度勅旨定河邊郡為奈野可遷建國府而今國弊民疲
不堪發役望請停遷彼曠野便以鴻臚館為國府且加修理者勅
聽之丁酉行幸水沼野及芥河山山城國司獻御贄賜危從侍從已
上及國司祿有差日暮車駕還宮 壬寅越前守從四位下岑成
王犯罪當官解任岑成王初赴任之後乞暇入京隱居不上所司
奏劾之

續日本後紀卷第十四

續日本後紀卷第十五

起甲寅二年正月盡十二月

太政大臣從一位臣藤原良房等奉

勅撰

十二年春正月戊申朔廢朝賀大雪也 天皇御紫宸殿宴待從

已上賜御被 辛亥從四位上藤原朝臣濱主卒贈左大臣正一

位園人朝臣之長子也弘仁元年十一月叙從五位下累加至正

五位下補待從尋叙從四位下拜神祇伯天長四年授從四位上

除河波守濱主身長六尺容儀可觀但記以障濱罕有朝謁名家

之胤而餘烈可聞是可惜者也卒時年六十一 甲寅天皇御豐

樂院宴于群臣詔授正三位橘朝臣氏公從二位從五位上石作

王正五位下從五位下安宗王從五位上正六位上豐井王仲嗣

王并從五位下從四位上南河朝臣永河正四位下從四位下坂

上大宿禰元位源朝臣安並從四位上正五位下小野朝臣篁律

宿禰成益藤原朝臣富士麻呂並從四位下從五位上清岑宿禰

門繼藤原朝臣岳守佐伯宿祢利也並正五位下從五位下笠朝
臣敷道百濟王慶世橘朝臣千枝久賀朝臣三夏惟良宿祢貞道
並從五位上外從五位下菅原朝臣梶吉百濟宿祢阿成无位源
朝臣興正六位上橘朝臣清蔭藤原直世良岑朝臣宗貞紀朝臣
家弟管野朝臣高年藤原朝臣雄瀧橘朝臣友雄紀朝臣真主和
氣朝臣齋之紀朝臣道茂橘朝臣岑範吉備朝臣全繼中臣朝臣
石成石川朝臣宗成高橋朝臣清野伴宿祢益雄並從五位下正
六位上善友朝臣頻主津宿祢良友水宿祢繼曆並外從五位下
日暮賜祿有差 乙卯授无位順子女王正五位下藤原朝臣潔
子並從四位下 大極殿修最勝會之初也是日外從五位下尾
張連濱主於龍尾道上舞和風長壽樂觀者以千數初謂貽皆之
老不能起居及于垂袖赴曲宛如少年四座命曰近代未有如此
者濱主本是伶人也時年一百十三自作此舞上表請舞長壽樂

表中載和歌其詞曰那那都義乃義与尔萬和倍留毛毛知萬利
止遠乃於支奈能萬飛多天萬川流 丁巳天皇召尾張濱主於
清涼殿前令舞長壽樂舞畢濱主即奏和歌曰於岐那度天和
夜波遠良無久左母支毛散可由留登岐尔伊天豆萬毗天并天
皇賞歎左右垂淚賜御衣一襲令罷退 戊午天皇御紫宸殿以
從五位下藤原朝臣岳守為左近衛少將從五位下良岑朝臣宗
貞為左兵衛佐參議正四位下源朝臣弘為兼尾張守左大弁如
故參議正四位上正躬王為兼讚岐守 四只宗康親王為太宰
帥 癸亥天皇御紫宸殿觀踏歌宴待從己上訖賜祿有差 甲
子天皇御建礼門觀射也 丁卯天皇內宴於仁壽殿公卿之外
文人恩昇者不過五六人同賦香出衣之題宴畢賜祿是日有勅
授內教坊倡女完人朝臣貞刀自從五位下 壬申義濃國言凡上
下諸人隨其位階乘用人馬灼立祿章而貢御鷹馬熊膏昆布并

沙金藥草等使或以遷替之國司使宛經領或羌浮遊之輩令得
公乘而公物有限私荷無數使等偏假威勢不憚惡法驛子無由
告訢運送山谷人馬斃亡職此之由望請除非貢御鷹馬并四度
使之外諸使等以初位已下子第被差宛之者勅依請宜仰陸奧
出羽兩國及東山道諸國令知此制 甲戌右大臣從二位橘朝
臣氏公上表請返食封一千户天皇賜勅書聽之事具公卿傳
乙亥山城國公田一町二段賜亮子内親王 二月戊寅天皇御
紫宸殿賜待臣酒於是攀殿前之梅花插皇太子及侍臣等頭以
為宴樂令近衛少將錄親王以下侍從以上見參賜御被襖子等
河内國讚良郡人相摸權椽從六位下廣江連乙枚賜姓大坂朝
臣貫右京一條四坊乙枚者從五位下大枝朝臣永山之子也未
編籍帳其父死亡由是冒母氏姓貫河内國父族憐之依實上請
乃蒙歸本 己卯和泉國日根郡人户主正六位上春世宿祢嶋

公兄在坊城主典從七位上春世宿祢嶋人主稅大允正六位
上春世宿祢嶋長等賜姓復中朝臣貫右京二條一坊 壬午大
納言正三位兼行民部卿右近衛大將陸奧出羽按察使藤原朝
臣良房上表請解民部卿右近衛大將陸奧出羽按察使等職天
皇不許之事具公卿傳 丁亥釋奠也公卿就大學行事 辛卯
天皇幸水成瀨野攝津國司獻御執賜危從臣及國司等祿日暮
乘輿還宮 癸巳天皇喚時康人康親王等於清涼殿令加元服
此日至子非侍從及未得解由大夫等預宴賜祿 丁酉散位從四
位下善道朝臣真貞卒也真貞右京人也故伊賀守從五位下伊
与部連家守之男也年十五入學數年之間諸儒共推其才行補
得業生大同四年課試登科任山城國少目尋遷播磨少目弘仁
四年兼任大學助教十年授外從五位下轉任博士十一年以明
經改授從五位下兼任越前大掾相摸權介等天長之初遷大學

助歷陰陽頭鼻授從五位上五年上表賜姓善道朝臣七年授正
 五位下八年遷阿波守是時有識公卿一兩人依詔旨與諸儒等
 修撰令義解真貞亦參其事不赴任所五年授正五位上明年授
 從四位下真貞以三傳三禮為業兼能談論但舊來不學漢音不
 辨字之四聲至於教授惣用世俗踏躑之音耳情在進取不能沉
 寡比及懸車被拜東宮學士遭皇太子廢出為備後守十一年聖
 王憐其國老喚令入京諸儒言當代讀公羊傳者只真貞而已恐
 斯學墜焉通命真貞於大學講之後卒于家時年七十八 庚子
 皇太子於禁中射場有奉獻之設緣是折紫宸殿前梅花也永和
 錢井貫以為御賭物唐布三百段以為群臣料 壬寅行幸河陽
 遊獵兵部卿四品忠良親王及百濟王等獻御贄賜危從侍從以
 上祿日暮乘輿還宮 甲辰從五位上路真人永名為少納言
 三月丁未朔辛亥 從五位下菅原朝臣是善為文章博士 壬

子請名僧百口限以五箇日於紫宸清涼常寧等殿及真言院轉
 讀大般若經兼修陀羅尼法以有物恠也 丁巳讀經事竟眾僧
 却歸勅施度者各一人并物 己巳武藏國言國分寺七層塔一
 基以去永和二年為神火所燒于今未稱立也前男余郡大領外
 從八位上壬生吉志福正之奉為聖朝欲造彼塔望請言上殊蒙
 處分者依請許之 辛未有勅名太宰負外師正三位藤原朝臣
 吉野遷配山城國但不聽入京 癸酉駿河國言官牧牛百頭放
 飼多煩望請依數賣却其直者混合正稅永為出奉以其息利年
 新御牛買備民間依例貢上者許之 乙亥火仁壽殿東廂入眾
 撲滅 夏四月丁丑朔辛巳近江國荒廢田十四町為後院開田
 祭外奉幣於畿內名神祈雨 五月丁未朔請百僧於大極殿
 限以三箇日轉讀大般若經以祈甘雨 己酉緣雨未降更延讀
 經二箇日 辛亥停五日節亦更延讀經二箇月 壬子樹雨快

降 癸丑雨猶不休讀經事畢眾僧却迴布施有禿 乙卯山城
 國言綴喜相樂兩郡境內始自去三月上旬蟲虫殊多身赤首黑
 大如密蜂好咬牛馬咬處即腫相樂郡牛斃盡無餘綴喜郡病死
 相尋郡司百姓求之龜筮就干佛神隨分後攘曾無止息移染之
 氣于今比行者令卜其由綴喜郡樺井杜及道路鬼更為崇即遣
 使祈謝之兼賜治牛疫方并祭料物 壬辰勅比者涉旬不雨新
 苗將雉時當播殖恐妨農業而今嘉雨稍降井邑赴農不知畿外
 之國如渥潤何宜仰五畿內七道諸國奉幣於名神兼每杜等令
 祈甘雨若有雨降過度應致淫害復須奉幣祈止如初儀 戊午
 聖躬不豫皇太子及群臣皆侍衛遣使七寺誦經以綿為布施
 壬戌聖躬平復 己巳授正六位上伴宿祢全成從五位下 庚
 午奉授從四位上勳二等松尾神正四位下餘如故 六月壬未
 勅令齊宮寮頭并助檢校太神宮并多氣度會兩神郡雜務自今

以後立為恒例此日從五位下丹墀真人間成為武藏權守 癸
 午太宰府言檢案內去弘仁六年七月廿五日格云博士醫師教
 授之勞良有殊別速代成選并以六考為期今前壹歧嶋醫師外
 大初位下藤野勝直吉辭狀云謹案格式內番上者以六考為選
 限外番上者以八考為選限真吉在任之日全得六考至于叙位
 被賜階唯據格式恐有訛舛者府加覆審非唯真吉以往之人亦
 尚然也望請真吉位記換賜內位自今以後大隅薩摩日向壹歧
 對馬等國嶋博士醫師同准此例者聽之 丙戌神今食也天皇
 執悶不御神嘉殿所司行事 庚寅丑刻月輪半虧質明稍滿
 秋七月丙午朔日有蝕之 戊申從四位下基兄王為宮內大輔
 從四位上坂上大宿祢淨野為兼因幡守右兵衛督如故 己酉
 神祇伯正四位下橘朝臣祇人卒 己未右京人中務少錄正五
 位下巫部宿祢公成大和山邊郡人散位從六位下巫部宿祢

諸成和泉國大鳥郡人正六位上巫部連繼麻呂從七位下巫部連繼足白丁巫部連告繼等賜姓當世宿祢公成者神饒連日命苗裔也昔屬大長谷桓武天皇時公成始祖真棕大連奏迎筑紫之奇巫奉救御病之膏盲天皇寵之賜姓巫部後世疑謂巫現之種故今申改之 辛酉丹波國桑田郡無位出雲神但馬國出石郡无位出石神養父郡无位養父神朝來郡无位粟鹿神美濃國原見郡无位伊奈波神等並奉授從五位下依國司等解狀也

甲子有勅召配流人石見權守從五位下藤原朝臣秋常薩摩權掾正六位上丹墀真人經足尾張權掾正六位上紀朝臣貞繼又配京外人從四位下橘朝臣永名等同聽入京 丙寅太宰府言謹案去神龜五年八月九日格云博士者惣三四國一人醫師每國一人又寶龜十年六月七日格云去閏五月廿七日奏備博士醫師兼國者學生勞於齋糧病人困於治療望請每國各一人並

以六考遷替立為恒式畫間已訖者夫醫師無國之任者為有救療之急也今筑後肥前豐前豐後等五箇國去府之程二日以上七日以下雲山重疊途路艱涉吏民之中有頓病者遙著府下營受醫藥命在呼吸且不及夕往還之間既致天殃是則無醫師之所致也望請國別減史生一人置醫師一人加以元來此府有得業生四人准大隅薩摩日向壹岐對馬國嶋之例監試得業及第之輩以將完補一切不任他人然則巷無短折之愁國有戶口之益者勅宜得減史生以典藥學生及第者補之 丁卯常陸國言依去年二月廿七日符補任鹿嶋大神宮權宮同庶務之勤不異正任而奉幣朝使只給正任當色不給權任祭祀之場同官異色望請准據正任將預給例者聽之立為恒例 辛未授常陸國無位大國主神從五位下 壬申遣民部大輔正五位下長因王等奉幣於伊勢大神宮令祈止雨此月兩降數難癸酉山城國飢

賑給之 八月乙亥朔丙子有勅召配流人從五位下橘朝臣田
 舍麻呂正六位上清原真人岑越正六位上三善宿祢氏吉從七
 位上橘朝臣忠宗御船宿祢兼繼下野權掾正六位上紀朝臣春
 常丹後權掾正七位下藤原朝臣安成伊与權掾正六位上紀朝
 臣永直豐前權掾從六位下丹墀真人時永等令入京 丁丑釋
 奠也公卿詣大學行事 戊寅天皇御紫宸殿召大學博士學士
 等令論義了賜祿有差此夜地震 辛巳淡路國明石濱始置船
 并渡子以備往還 辛卯從四位上源朝臣寬為兼神祇伯阿波
 守如故 九月乙巳朔奉授越中國婦負郡從五位下鷄坂神從
 五位上新川郡无位日置神從五位下 癸丑是日重陽節也天
 皇御紫宸殿賜宴令賦九日洗蘭之題宴了賜祿有差 乙卯天
 皇御大極殿遣使奉幣於伊勢太神宮例也 庚午筑前國宗形
 郡人權主王從八位上難波部主足改本姓賜美努宿祢貫河内

今十月 乙亥朔 天皇御 紫宸殿 賜宴 臣目暮 賜祿有 差 御神嘉 殿後 迴本宮 戊辰天 皇

國若江郡 壬申下野國芳賀郡人大麻續部總持男足利郡少
 領外從八位下大麻續部嗣吉改本姓賜下毛野公姓 十一月
 甲辰朔乙巳毀越前守從四位下岑成王四位位記緣有犯罪也
 丁巳勅鴨河悲田預僧賢義所養孤兒清繼清人清雄等十八
 人並賜新生連姓貫左京九條三坊即以清繼為戶主 辛酉奉
 議正四位下三原朝臣春上卒 丁卯新嘗會也 天皇御紫宸
 殿宴于百官日暮賜祿有差 十二月甲戌朔庚辰從四位下稻
 荷神預名神例 戊寅太宰府馳驛言新羅人賈康州牒二通押
 領本國漂蕩人五十餘人未著此日外從五位下物部首廣泉為
 兼內藥正醫如故 戊子朋有蝕之

續日本後紀卷第十五

續日本後紀卷第十六 起十三年正月盡十二月

太政大臣從一位藤原朝臣良房等奉

勅撰

十三年春 正月癸卯朔天皇御大極殿受朝賀畢迴御紫宸殿

宴待臣已上賜御被 乙巳 天皇朝覲太皇太后於冷然院

丙午鳥舍傳漏之籤飛去墮于春興殿上 己酉天皇御豐樂殿

宴于群臣詔授無只時康親王四只從四位上安倍朝臣安仁正

四位下從四位下正行王從四位上无位房世王從四位下從五

位下弘宗王從五位上正六位上全世王益吉王並從五位下從

四位上源朝臣明田口朝臣佐波王並正四位下從四位上藤原

朝臣長並從四位上正五位下藤原朝臣良相藤原朝臣岳守並

從四位下從五位上伴宿祢雄堅魚橋朝臣百枝滋野朝臣貞雄

藤原朝臣諸成並正五位下從五位下藤原朝臣貞本文室朝臣

海田麻呂藤原朝臣氏範石川朝臣越智人在原朝臣行平並從

五位上外從五位下有道宿祢氏道從五位上藤原朝臣良仁安
倍朝臣安仁伴宿祢益雄滋野朝臣善蔭橘朝臣氏雄藤原朝臣
、紀朝臣今守高階真人岑緒橘朝臣春成坂上大宿祢清河藤
原朝臣秀雄大枝朝臣直臣田口朝臣仲根伴宿祢御園賀茂朝
臣江人嶋田朝臣貞繼佐伯宿祢真持大宅朝臣年雄並從五位
下正六位上都宿祢真繼清內宿祢園繼縣連氏益伊福部宿祢
廣、並外從五位下宴訖賜祿有差 庚戌於大極殿修最勝會
是日授四只賀樂內親王三只從四位下大和朝臣館子從四位
上正五位下橘朝臣枝子從四位下無位大中臣朝臣海子從五
位上无位藤原朝臣籠子橘朝臣是影田口朝臣金子並從五位
下正七位上太秦公宿祢負刀自伊賀臣真廣寫木、下、鳳子
並外從五位下 乙卯以奏議正四位下源朝臣弘為兼左大辨
尾張守如故參議正四位下安倍朝臣安仁為兼右大弁彈正大

弼春宮大夫下野守如故參議從四位上藤原朝臣助為兼治部
卿加賀守如故參議從四位下橘朝臣岑繼為兼右衛門督相模
守如故正四位下源朝臣明為刑部卿從五位下藤原朝臣良方
從五位下源朝臣興並為侍從從四位上正行王為右京大夫從
五位下惟良宿祢真道為兼伊勢介圖書頭如故從五位下橘朝
臣本繼為武藏介無只基貞親王為上總太守從五位下藤原朝
臣行人為介從五位下藤原朝臣豐仲為兼美濃介右近衛少將
如故從五位下伴宿祢御園為信濃介三只仲野親王為上野太
守從五位下高階真人岑緒為下野介從五位下小野朝臣興道
為陸奥守從五位下安倍朝臣安立為出羽守從五位下豐置宿
祢真黑磨為若狹守從五位下良岑朝臣長松為丹波守從五位
下良岑朝臣宗貞為備前介從五位上春澄宿祢善繩為兼備中
介文章博士如故從五位下大枝朝臣真臣為備後守從五位下

大罪宿祢豐繼爲安藝介從五位下伴宿祢龍男爲紀伊守從五位下
位下山田宿祢古嗣爲河波介從五位下紀朝臣今守爲筑前守
從五位下益善王爲筑後守從五位下大和真人吉直爲肥後守
從四位下藤原朝臣良相爲兼左近衛中將內藏頭河波守如故
從五位下藤原朝臣仲統爲少將從五位下良岑朝臣宗爲兼少將
從五位上在原朝臣行平爲左兵衛佐從五位下橘朝臣真直爲
右兵衛佐從四位下藤原朝臣岳守爲左馬頭 丙辰最勝會竟
殊引名僧十餘人於禁中令論義訖施御被 戊午天皇御紫宸
殿宴待從已上覽踏歌訖賜祿有差 己未天皇御豐樂殿觀射
也 壬戌天皇內宴於仁壽殿公卿及詞客預事者五六月人同賦
百花酒之題宴竟賜祿 戊辰召外從五位下尾張連濱主於清
涼殿前令奏舞于時年百十四帝矜其高年授從五位下是日亦
授正六位上賀茂朝臣乙本從五位下乙本造琴之良工也 二

月壬申朔己卯伊勢國言鈴鹿郡牧田郷户主川俣縣造繼、户
口保茂麻呂妻川俣縣造藤繼女產男其體自胸以上兩頭分裂
二人相對四手相具面貌羨麗頭髮甚黑自腹以下同共一體生
而一日死焉 壬午從五位下橘朝臣岑範爲中務少輔從五位
下藤原朝臣春岡爲官內少輔從五位上藤原朝臣安永爲大膳
大夫從五位下伴宿祢益雄爲鼓吹正從五位上丹墀真人門成
爲武藏守從五位下陸奧介坂上大宿祢正宗爲兼鎮守將軍從
五位下安倍朝臣甥麻呂爲播磨介 甲午太政官隨僧綱牒處
分從儀之僧且依其本數以八人爲定其餘皆從停止 戊戌地
震 己亥從五位下益善王男興岑忠道忠棟忠主等王九人正
六位上藤坂王男豐助將兄諸山等王五人正六位上御藤王男
藤主藤宗有宗等王三人賜姓清原真人 庚子從五位下紀朝
臣松永爲主計頭從五位下菅原朝臣善主爲主稅頭從五位上

陸奧守小野朝臣與道為兼下野權介從五位下菅原朝臣是善
 為兼越後助文章博士如故百濟宿祢阿成爲安藝介 三月壬
 寅朔己酉從五位下大神朝臣宗雄爲大監物 庚戌勅王世所
 言氏姓之中身住外處者或未被人知至於對問以能說家譜者
 即爲是真鎮言系譜者因謂之偽無人證引只據文書伏恐奸濫
 之輩妄入宗枝豈恣之人空滿皇胤望請仰所司若有如此之
 色速令言上更加搜索以糾真偽若依請仰五畿內諸國令言之
 專 丙辰播磨國捐保郡人散位正八位上百濟公清永并男一
 人女一人改本居貫附左京三條二坊又同郡人散位正八位上
 佐伯真宅守大初位下佐伯直仲成等改本居貫右京六條二坊
 庚申大和國言居住山邊郡長屋鄉京戶左京三條一坊戶主
 大耳千麻呂牛產三足犢下唇長於上唇行步不便動則顛仆
 丙辰播磨國捐保郡人散位正八位上百濟公清永并男一人女一

人改本居貫附左京三條二坊又同郡人散位正八位上佐伯真
 宅守大初位下佐伯直仲成等改本居貫左京六條二坊 夏四
 月辛未朔天皇御紫宸殿皇太子入觀息蓋頻下群臣具辭殊召
 從四位下藤原朝臣雄敏令彈琵琶後令諸大夫知音者遙吹笙
 笛更奏歌謠日暮賜祿有差 癸未典侍從四位上大和朝臣館
 子卒也 五月辛丑朔壬寅武藏國言多磨郡猪江鄉戶主刑部
 直道繼戶口同姓直刀自呼爲同鄉刑部廣主妻生四男三女經
 并一年夫乃死矣直刀自呼居喪有禮事死如生墳側結庐晨昏
 悲泣推移歲月終始不渝見其操行可謂節婦者勅宜特授位二
 階兼終身免同戶田租 戊申奉授美濃國不破郡從五位下中
 山金山彦神正五位下 癸丑請百僧於八省院限三箇日讀經
 以祈雨也 癸亥從四位下東宮學士小野朝臣實爲兼權左中
 弁 丁卯授從五位下春江宿祢安主從五位下大枝朝臣氏子

並從五位上從四位下菅野朝臣人數為曲侍從五位下益野王
為尚藥從五位下路真人氏子為尚殿從五位下紀朝臣岑子為
尚掃外從五位下飛鳥部稻子為典水正五位下伴宿祢友子為典
膳從五位下田口朝臣金子為尚酒從四位下橘朝臣枝子為尚
縫從五位下小子連諸主為典縫 己巳出羽國飢遣使賑給
六月庚午朔甲申圖書寮雜色生等侍經式部省監試緣本司定
令預勘籍例 甲午左京四條四坊戶主正六位上廣田王戶口
長田吉豐田次田等王卅七人並賜姓清原真人 秋七月庚
子朔辛丑正五位下岑成王男永安良安基正五位下長田王
男基雄內舍人正六位上惟岳常名正六位上長統王男玄膳正
文等王卅九人賜姓清原真人 己酉從五位下永原真人貞主
為散位頭從五位下藤原朝臣氏雄為兵部少輔 己未授正五
位下岑成王正五位下岑成王去年緣犯罪毀從四位下位記今

據法條降一等叙之 丙寅從五位下菅野朝臣高年為圖書頭
八月庚午朔辛巳散位正三位藤原朝臣吉野薨奏議從三位
勲二等大宰師藏下麻呂之孫致仕奏議正三位兵部卿經繼之
男也少年遊學不耻下問性寬大能容眾見賢思齊手不釋卷教
誨子弟尤是柔和雖視過失未嘗白眼至于執論不必違法寄住
之處好常種樹昔王徽之寄居空宅便令種竹人問其故徽之指
竹曰何可一日無君邪可謂千古猶有隣矣尊年二親在堂定省
溫清造次無虧忠孝之道與為多善先是父兵部卿聞有難因遣
人索之遇朝謁未歸危人斡固不以分遣後乃聞之向危人責讓
涕泣終身不復肉食弘仁四年自主藏正任美濃少掾七年春遷
春官少進十年正月叙從五位下除駿河守任秦河守強濟諸事
所部肅清十四年夏四月東宮受禪登寶位五月以吉野拜中務
少輔尋任左近衛少將天長元年加從五位上二年兼伊豫守為

畿內巡察使八月叙正五位下四年授從四位下任皇后宮大夫
五年閏正月兼右兵衛督五月拜參議兼式部大輔七年五月遷
春宮大夫八月叙正四位下為右近大將春宮大夫如故十一月
授從三位任權中納言十年三月東宮受讓即帝位禪授正三位
厥後辭脫宿衛之職追從後太上天皇兼和元年改權為正六年
五月後太上天皇宮車晏駕暮年之內絕而不官上表辭職至于
再三不見聽許中使頻徵強劇朝端未幾九年七月緣坐伴健岑
事左貶太宰負外帥十二年正月遷配山城國薨時年六十一
丙戌勅曰珠宮瓊室帝王之都未出塵籠紫府丹臺神仙之窟終
言燬宅居之執掌於龍圖極之辛勤於鶴背道之囚真之俘可以
出可以去朕翹誠道素任思真玄己因少日之久情更益中平之
篤志問達士口謀傳法之由案名山記覓建祠之處於是遇彼幽
爽副斯勤求高岑東峙者關山之形勝匪殊懸途西通王舍城之

風煙相接此則天台之上界銀地之道場松柏數步榻墻雲霞一
色連院經行同徑盥嗽共泉德也不孤歸斯隣之有仁道之將開
遇此山之無生爰鑿爰鑿乃正乃平役人於峻高勸之則如來之
力伐木於幽邃運之則菩提之功不日而成蓋在茲乎尔乃土木
之細工終焉金檀之眸容畢矣所配之人禪定之十仙所行之道
般若之二乘事息境幽三業之言行律金地高風動六時之鐘梵
聲遠夫利己者利他之根自途者及遠之本近則上護國家下覆
人民比常樂之樂邦等壽仙之壽土遠則廣王宗靈有識無識三
惡趣一闡提共始于因同終于果噫呼不誑者也實語者也朕此
心誓必不唐捐其寺家流例檀施色目別有勅旨下於所司唯記
來由貽之于後先是天皇建定心院於延曆寺故今日有此勅
辛巳奉授上野國群馬郡無位甲波宿禰神從五位下 九月己
亥朔丙午奉授常陸國勳十等薩都神相模國无位塞河神並從

五位下 丁未是重陽節也天皇御紫宸殿宴于親王以下至六位
位丈人同賦九日侍宴詩韻用平字宴訖賜祿 辛亥奏議從四位
上藤原朝臣長良為兼諸岐守左兵衛督如故河內國河內郡
人式部位子從六位下額田首皆人改本居貫附右京五條三坊
壬子從四位下小野朝臣篁為左中弁從四位下藤原朝臣嗣宗
為右中弁從五位下藤原朝臣松影為左少辨從五位下橘朝臣
伴雄為侍從從五位上藤原朝臣氏宗為式部少輔從四位下藤
原朝臣富士曆為相模權守陸奧出羽按察使如故從四位下藤
原朝臣岳守為兼義作守右近衛中將如故 甲子无只石上内
親王薨也日本根子天推國高彥尊之皇女也 乙丑奏議從五
位上和氣朝臣真經卒也故民部卿從三位清麻呂之第五子也
真經稟姓敦厚忠孝兼資執事之中未嘗邪枉少遊大學頗讀史
傳弱冠補文章生延曆廿二年始預官班任内舍人大同四年遷

治部中務丞弘仁六年叙從五位下永三代經歷内外官惣是
并餘負左右大中少并左右中少將九厥清要之地莫不踐跡
乃爵止於從四位官登於平章事加以道心有素佛乘是歸天台
真言兩宗建立者真綱乃其兄但馬守廣瀨兩人之力也又為左
近衛次將時割留俸分兼添私物買得攝津國良田納之厨家有
簞醪投河之義士卒補疲于今賴之情切助公於焉可見但禍福
紀纏倚伏難量至當年春夏際法隆寺僧善愷告少納言從五位
下登美真人直名所犯之罪官欲在理聽其訴訟而同僚中有援
引直名者翻以榜官証為許容違法之訴先令明法博士等斷許
容之罪博士等有所畏避不曾正言實皇皇所好各異公罪私
罪其論不同於是真綱自謂塵起之路行人掩自枉判之場孤直
何益不如去職早入冥冥固閉山門無病而卒時年六十四 十
月己巳朔丙子外從五位下高丘宿祢自雄為攝津介 癸巳白

鷺集建禮門上須臾降集大庭版位 乙未散位從四位下繼枝
 卒贈一只伊豫親王之第二子也勅仰五畿內七道諸國限以三
 箇日令修佛名懺悔事其布施者三寶穀七斛眾僧各六斛供養
 准例並用正稅自今以後立為恒式 十一月己亥朔壬子太政
 官下符所司令徵前奏議左大弁正躬王前奏議右大弁和氣朝
 臣真綱等贖銅其符備太政官符刑部省應徵贖銅事從四位上
 正躬王應徵十斤從四位上和氣朝臣真綱身卒不徵從四位下
 伴宿林成益應徵十斤從五位上藤原朝臣豐嗣應徵十斤從五
 位下藤原朝臣岳雄應徵十斤右大判事諸岐朝臣永直明法博
 士御輔長道勘解由主典川枯勝成等斷文云右辨官宣法隆寺
 僧善愷以違法訴狀告少納言登美真人直名并受推官人等罪
 勸申者今檢訴狀直名強賣賤物過取之屋直錢准賦布并二端
 二丈據職制律准枉法論合遠流是所告之罪聞訟律云告人罪

皆須明注年月指陳實事不得稱疑官司受而為理者減所造罪
 一等今檢諸辨所執彼此異論公私難辨然尋犯由緒此緣公事
 致罪可無私典仍須從公坐法自流上減一等徒二年半即罪輕
 不盡其官聽贖銅五十斤者左大史伴良田連宗斷文云諸辨須
 議善愷申訴者依令先令着俗衣然後受新收狀而正躬王等所
 執云僧尼令雖設權俗之法而元來未施行者其庶務皆以法令
 為本今既設權俗之法何更稱元來未施行又同執之為輪禁固
 處於閑奧防其逃逸理非資助者凡禁人之體庶人皆知寧處於
 閑奧可謂禁固乎又同執云直名於國為奸賊之臣於家為貪戾
 之子者又云直名為道癸竟望下僧綱自恃利口求當訥舌正躬
 等審其奸計不許自牒者凡設官分職各有司存理須在法付所
 司何稱訥舌之有司破法奪他人之職其鞠獄之官須置情乎直
 與有愛憎而妄摘異端鍛鍊成罪斯所謂屈法申情者又右少弁

伴宿稱善男出牒具示違法之由而成益等所執云於辨官推訴
訟是往古之旧貫非非今之新意是以申上官蒙處分所問者其
稱旧貫事是實也但元不識法意從旧例有違失者須隨教喻之
旨改正不可乘循違法之旧貫而確執不移可謂知意故犯法名
例律之私罪謂不緣公事私自犯者雖緣公事意涉河曲亦同私
罪理須依涉盜賊五十端已上從加役流上減一等處徒三年身
帶五位已上請減一等處徒二年半五位已上一官當徒二年餘
徒半年贖銅十斤令解官者彈正大疏漢部松長浙文云今檢成
益岳雄等所執事緣公論情無私曲雖所行違法猶是公罪但餘
并所執尋其論緒頗涉私曲稽之律條可謂私坐者以前法家所
斷如左右大臣宜奉勅明法博士等斷辨官罪之公私彼此異論
科斷不同且覆問執申者仍覆問永直等皆稱檢諸辨所執可謂
有私雖然未有所曲仍處公坐何者准律私曲相須乃成私罪之

故者又問於長道成益岳雄同為受推之官而為公坐如何松長
申云今加覆勘前斷有失錯之罪更無所避何者右少辨善男牒
狀雖論律令數條不合受推之理而無引註年月指陳實事之律
若有引此律諫彼諸辨而猶不秉者自從私罪之法而檢諸所執
既無此文又永直等勘僧善愷 訴狀辨官應受推否之狀日正
躬王等執論曰善愷無進訴狀之日副手實結解就此等狀年月
實事既是明白也而永直等猶稱不明遂斷違法以此觀之勘發
之與唯在永直等非是善男意然則於此一事善男并諸辨俱涉
誤失非緣故犯據檢律條可為公罪但自餘違法之事雖緣公事
意涉河曲准法而論皆是私罪者官議云今案所益皆稱有私加
以問僧善愷慶誓亦之由永直長道等申云猶合慶誓亦何者案
所執辨官申上不令俗形者然則辨官許容不令俗形准律官人
百姓共犯罪以官人為首仍許容之辨官為罪首合慶誓五十僧

減一等合處管者既許容之豈非狹私然則有私之說彼此一
 同唯以未有所曲猶稱為公罪仍更詰難公私之律上下失所相
 須之文屢注倒義之由永直等竟悟更無駁議以此論之既非公
 罪何者名例律云罪謂緣公事致罪而無私曲者注云私曲二字
 其義猶隱故兼私曲之下設相須之注然則相待於私曲一事全
 無一者乃名為公罪既云無私曲若此之二事互在有一事不冷
 入公坐其文已顯明且不公為私背私為公是公私不雜猶白黑
 之自異然則公坐之中何得有私私罪之中亦宜無公而長道等
 云有私無曲或有曲無私仍為公坐者文義俱亂其誣已甚其文
 云私曲相須乃成私罪者仍案私罪之條終無相須之句何以無
 據之傳說輒亂不疑之成文上下失所公私混義是亦不通也後
 經數日永直等更進所答不盡之狀云私曲者謂私之曲也相須
 之句者合私曲二字為一義連讀之意也今如此說者私曲是一

事若是一事者相須之律終成空文加以衛禁律云弓箭相須若
 云私之曲者豈是弓之箭乎奉此一謬餘隨可知凡相須与不相
 須皆是法律之細例且史書之中多有此文彼此同例更無異義
 忽出新意強亂旧文非但當時之戒當貽後代之疑加以長道等
 初云私与曲二者相須乃成私罪其後乃變為私之曲既云明法
 豈有起辭而前後殊論向背異執斯而不正者恐涉於弄法又松
 長所答理不可然何者諸辨所受訴狀多乖法式面復推問之日
 頻致建犯尋其意緒比身不過資助於訴人以左右其受然則資助
 之情本來理須一同受推之咎放失復何殊別而松長前後殊言
 公私變斷遂云受推一條當稱誤失自餘諸事應為何曲生節目
 於一事分輕重於同意欲辨公私還增曲直又同答云正躬王等
 執論曰善愷元進訴狀之日副手實結解就此等狀年月實事既
 是明白者仍檢諸辨問狀善勇問中已有不往指年月實事之條

然則正躬王等須當彼時悔悟所受訖狀也建法式而其後明法
博士等申返訖狀之日正躬王等猶亦以手實結解執爲明白之
證明是故犯何得爲失即是松長自賊夫人之辭也又以問狀付
永直等令交是非其後永直等申云諸辨問狀彼此異執有疑勾
勘因依訴狀勘申者然則善男所問因爲先覺何稱勘發之與在
永直等手謬忘如斯准的何據夫理有一途法無二孔今明法之
家公私異論輕重殊執各是自心迥非人說遂使觀聽多疑取捨
無准今之評議實釐愚管謹案名例律私罪謂不緣公事私自犯
者雖緣公事意涉阿曲亦同私罪准據此律諸辨等自始受訖狀
至于推問曰其所違犯已涉私曲然則處私之斷誠得其情所見
如此不敢隱勘者左大臣宜奉勅依官議行之者仍准所犯以所
帶一官當徒二年其餘如半年徒贖銅如件省宜兼知依件徵納
十二月戊辰朔乙亥參議正四位下源朝臣弘爲班山城田使

長官從五位上藤原朝臣氏宗爲次官從五位下豐前王爲班大
和田使次官正五位上岑成王爲班河內和泉田使次官從五位
上路真人永名爲班攝津田使次官 戊寅火燒西大寺講堂佛
像一時與煨燼 甲申左大臣從二位兼左近衛大將皇太子傳
源朝臣常上表請解左大將不許之 丁亥左京人六世王豐
豐宗豐方豐道潔河清雄貞永清宗氏吉貞宗吉宗等王十二人
賜姓清原真人 甲午尾張國山田郡人內藏少屬正六位上物
部官守改本居貫左京六條四坊 丙申勅延曆寺定心院三寶
并梵王帝釋供養料每日白米壹斗伍升伍合僧十人每日白米陸
斗肆升燈分油每日貳合宜御近江國永令改辨其料割正稅參
萬束出奉以其息利充之若有國納以正稅利先填此色事須每
年計白支度春運其功債准例亦充之燈分油以米交易歲終惣
送細注用度并遺數長官勾當周匝抵濟長官不在次官亦同每

季取願狀即申官如致違怠不預節會自今以後立爲恒式

續日本後紀卷第十六

續日本後紀

自十七至廿

149
40
9

東 京 圖 書 館

冊	號	架	函	屬	類
077	96	9	677		

明治十八年七月四日 文部省發行

續日本後紀卷第十七起十四年正月盡十二月

十四年春正月戊戌朔廢朝賀大雪也 天皇御紫宸殿宴待從

已上賜御綬 庚子天皇朝觀太皇太后於冷然院宴五位已上

賜祿有差 甲辰 天皇御紫宸殿宴千群臣詔授三品仲野親

五位下豐前王從五位上死位雄江王正六位上高毅王並從五

位下無位源朝臣勤從四位上正五位下興世朝臣書主從四位

下從五位下藤原朝臣氏雄永原朝臣末繼藤原朝臣仲統伴宿

祢善男並從五位上外從五位下物部首廣泉正六位上南洲朝

臣顯守橘朝臣安吉雄伴宿祢直統紀朝臣貞丘坂上大宿祢貞


守橘朝臣直繼紀朝臣全吉藤原朝臣冬緒紀朝臣好雄高橋朝

臣顯守橘朝臣安吉雄伴宿祢直統紀朝臣貞丘坂上大宿祢貞

守橘朝臣直繼紀朝臣全吉藤原朝臣冬緒紀朝臣好雄高橋朝

臣顯守橘朝臣安吉雄伴宿祢直統紀朝臣貞丘坂上大宿祢貞

守橘朝臣直繼紀朝臣全吉藤原朝臣冬緒紀朝臣好雄高橋朝



臣祖繼藤原朝臣安雄並朝臣出羽麻呂安倍朝臣忠雄百濟王
 安宗藤原朝臣潔推大中臣朝臣真主淡海朝臣豐庭丹墀真人
 善雄石川朝臣貞成佐伯宿祢屋代並從五位下正六位上豐任
 朝臣永貞伴良田連宗春日部雄繼三統宿祢真淨讚岐朝臣為
 乍並外從五位下宴竟賜祿有差 乙巳於大極殿修最勝會
 巳酉從三位源朝臣定從四位下小野朝臣篁並為叅議從四位
 下藤原朝臣嗣宗為左中辨從五位上伴宿祢善男為右中弁從
 五位下藤原朝臣冬緒為右少弁正四位下源朝臣蟲為近江守
 叅議從四位上藤原朝臣助為兼下野守治部卿如故從五位下
 藤原朝臣藤為兼加賀守陰陽頭如故正四位下源朝臣明為兼
 越中守刑部卿如故庚子最勝會竟更引名僧十餘人於禁中令
 論義訖施御被 癸丑天皇御紫宸殿宴待從巳上覽蹈歌訖賜
 祿有差 甲寅天皇御豐樂殿觀射 丁巳天皇內宴於仁壽殿

教坊奏態公卿獻詩如常竟賜祿有差 二月丁卯朔丙子有勅
 召配流人前駿何國權從五位下藤原朝臣亮直前越後國權
 守從五位上藤原朝臣貞守前伯耆國權從五位下藤原朝臣
 近主前安藝國權從五位下藤原朝臣正世并諸國六位以下
 人等六十二人令入京 丁丑從四位上田口朝臣佐波主為神
 祇伯從五位下藤原朝臣春里為少納言從五位下橘朝臣海雄
 為左少弁從五位下紀朝臣鏡紫磨為大監物從五位下菅野朝
 臣高年為內匠頭從五位下安倍朝臣忠雄為圖書頭外從五位
 下善友宿祢額主為大學博士從四位下時宗王為治部大輔從
 五位下藤原朝臣貞敏為雅樂頭從四位下基兄王為民部大輔
 從五位下丹墀真人貞岑為少輔外從五位下都宿祢貞嗣為主
 計頭外從五位下清內宿祢國繼為主稅頭從五位下大和真人
 吉直為兵部少輔從五位下和氣朝臣齋之為刑部少輔從五位

壬午春
宮坊言
內外考
舍人
百人隨
曆代行

上藤原朝臣貞承為大藏大輔從五位下文室朝臣助雄為少輔
從五位上坂上大宿祢正野為宮內大輔從五位下滋野朝臣善
蔭為掃部頭從五位下清原真人清海為典某頭外從五位下出
雲宿祢全繼為造酒正從四位上源朝臣寬為右京大夫從五位
下安倍朝臣甥鷹為兼鑄錢使長官周防守如故從五位上藤原
朝臣氏宗為兼右衛門權佐式部少輔如故外從五位下山代宿
祢氏益為山城公從五位上路真人永名為補前守 戊寅無品
時子內親王薨遣兵部大輔從四位下豐江王彈正大弼從四位
上橘朝臣永名兵部少輔從五位下大和真人吉直左京亮從五
位下飯高朝臣永雄等監護喪事親王者天皇之皇女也 庚申擇
有智行者於延曆寺始置定心院十禪師勅曰僧每每日各轉大
般若經二卷共盡一部終而復始亦時亦如法修行其預宮中最
勝會并臨時公請者迴到之後隨日追填轉經之數十禪師若有

美和十考
年四月
十九日
特補坊
考補坊
舍人同
舍人選
任色及
依理解
却之類
每之類
十人將
聽出入
被拘此
格不四
補替之
十人因
內例隨
回例補
之者許

闕擇才行共備人眾所推者申官補之 乙未周防國鑄錢司言
遷立司家東方寫上山者許之遂伐樹木也 三月丙申朔肥後
國飽田郡人從三位大藏卿平朝臣高棟家令正七位上建部公
第益男女等五人賜姓長統朝臣貫附左京三條 丙午請僧六
十四口沙弥六十四口於清涼殿轉讀大般若經召僧十七口沙
弥廿一口於常寧殿修真言法為鎮物氣也 戊申雄雉自東方
飛來集主殿火庫前從渠西走入同門中右近衛六人接得視之
體中無翎羽毛全整矣 己酉放恠雉於北野高飛遠去 辛亥
讀經畢施度者各一人及御被 甲寅阿波國言傳讀師者聽之
已卯天皇御八省院奉遣幣於伊勢太神宮 己巳天有鳴声
餘響殷殷良久而止 戊寅郡鳥億萬繞日上下自日中到黃昏
仰看空中不知何鳥 庚辰請僧八百口於城中講仁王經其咒
願文曰夫識之所識曷嘗非識如之所如未始不如是故能行而

所行兼空則攝受之理廢自性而無性不異則執取之念忘唯斯
 仁王護國般若波羅密經者施慈敷愛之奇法避難安刹之神符
 領之有用則人鬼調和廢而不行則龍神怨怒者矣聖朝罪身封
 已常慮天下不名之灾憂國思民猶恐四海莫來之咎節會百官
 先申齋禁高座開百僧及午一日二時於王城中演說此大乘檀
 塞紫極暫為香苑之四廬灑掃青宮更作涼燠之三殿上林羽獵
 之花今惟歡喜昆明漁釣之池皆是阿耨微音漸振如象池之今
 日新來妙義初披似龍宮之昔時未秘伏願十方諸聖八部靈祇
 向仁王之寶鏡以護國為身謀推梵帝之金輪以除灾為已任縱
 有含冤眾鬼不義群神變風雨而為逆起木石而作恠而猶感此
 汪汪之化從彼浩浩之權反咎為休應時草靡然則宸階絕絕毫
 之警玄廡無露寢之勞王燭長懸与仙豫而無蔽神珠在握將至
 慮而弥照環立之鶴投穗敢於有年楚庭之羊御粟表於豐歲禍

何在而不消福何之而不至諸天共歡眾民俱樂久為帝王之人
 同入仁壽之境 庚辰左京人戶王御支王男无位廣野大野戶
 主武藏王男福雄春雄真野安野等王六人賜姓淡海真人也
 右京人右少史從六位下山口忌寸豐道薩摩目大初位下山口
 忌寸與道散位從八位上山口忌寸貞道婦人山口忌寸周子恒
 子等五人並改忌寸賜朝臣焉豐道等後漢靈帝曾孫阿知王苗
 裔也左京人正五位下豐峯真人廣龍言賜淨廣壹高市親王之
 子也屋王娶大納言從二位文室澤三真人女生正六位上次田
 王男阿上王娶從五位下文室真人正嗣女生廣龍須尋因生之
 義同賜文室姓而况廣永等不認祖宗以去延曆廿四年賜豐峯
 真人姓今據彼世數改賜姓文室朝臣 戊子神祇伯正四位下
 田口朝臣佐波主平也詔贈從三位以嵯峨太皇太后之外戚也
 是月數數有群鳥遲明自西方度東方其夕覆天終始不見訪諸

故老皆云未嘗聞之者 夏四月乙未朔宴待從已上於紫宸殿
 賜祿有差 庚子駕輿臨于神泉苑賜待臣祿有差 癸卯近江
 國蒲生郡倭囚外從七位下介散南公延多孝外從八位下宇漢
 未公阿多奈磨並授外從五位下以勲功之苗裔也 乙巳親子
 內親王初筭宴親王已下侍從已上於內裏非侍從及未得解由
 大夫皆預飲筵宴訖賜被 丁巳以從四位下小野朝臣篁為彈
 正大弼從四位上極朝臣永名為神祇伯權律師真濟為律師大
 法師真紹為權律師 五月乙丑朔己巳天皇御武德殿觀馬射
 甲戌以從四位下時宗為大學頭從五位下菅原朝臣是善為
 兼東宮學士大內記如故 乙亥於清涼殿行莊子竟宴先是帝
 受莊子於文章博士從五位上兼備中守春澄宿祢善繩是日引
 善繩宿祢殿上殊酌息杯行東脩之礼令左右近習臣各賦莊子
 一篇管弦交奏酣暢為樂庭燎晰晰賜善繩宿祢御衣二襲自外

之物亦稱是也賜近臣祿各有差當代儒者共以為榮 辛巳散
 位從四位下藤原朝臣豐主卒 壬午賑給左右京飢民以雨久
 不止也 丙戌授白丁膳臣立正七位上立正若狹國百姓也
 代窮民輸鹽五斛庸米百五十二斛准稻四千六百八束 辛卯
 皇帝引文章博士春澄宿祢善繩於清涼殿始讀漢書是日毀前
 左大辨從四位上正躬王左中弁從四位下伴宿祢成益右中弁
 從五位上藤原朝臣豐嗣左少弁從五位下藤原朝臣兵雄等四
 人位記各一階緣受推法隆寺僧善愷違法訴狀也 六月甲午
 朔丙申大風發屋折木雨亦降入夜弥猛 丁酉遣使奉幣於松
 尾大神祈之 甲戌常陸國新治郡人三村部綿女一產二男一
 女賜正稅稻三百束乳母一人 乙巳暴雨如懸河此夜月暈之
 外有白氣繞之 己酉散位正四位下紀朝臣名虎卒 甲寅霖
 雨止息先是左相樸司伐葛野郡家前槻樹作大鼓有崇由是奉

幣及鼓於松尾大神以祈謝用鼓一面六皮。七月甲子朔從五位下淡海真人豐庭為若狹守。乙丑賜左相撲司卯一面。丙寅置春宮坊監署六司史生各二員。辛未天台留學僧圓載儀從仁好及僧惠等至自大唐上奏圓載之表狀唐人張友信等廿七人同乘而來着。壬申加安房國火神并從祭神正稅穀一百斛。戊寅大上天皇之國忌也。天皇延名僧於清涼殿講法華經事竟施御被。丁卯修造攝津國天依羅社肥後國阿蘇郡國造神為宮社焉。減省日向國俘囚祿料稻十萬七千六百束以俘囚死盡存者負少也。甲申右京人六世賀我王七世真菜王等十人賜御高真人姓忍壁親王後也。丙戌奉白馬幣帛於丹生川上雨師令祈止雨。己丑奉授正四位下勳二等松尾大神從三位餘如故致仕。參議正二位藤原朝臣經繼薨經繼者參議正三位勳二等式部卿兼太宰帥宇合之孫參議從三位勳二等太

宰帥藏下曆之第五子也。延曆廿二年正月叙從五位下弘仁元年授正五位下五年四月叙從四位下職歷內外兵部大輔右京大夫左兵衛督武藏相模守天長之初拜參議任兵部卿五年叙正四位下七年授從三位致仕閑卧山井里第兼和七年叙正三位年八十五而終。八月癸巳朔宴侍從已上於紫宸殿賜祿有差。丁未越前國丹生郡人大學助教外從五位下春日部雄繼等二人判部字為春日臣兼除邊籍貫左京山城國愛宕郡人散位從五位下山代宿禰祖繼等五人改本居貫左京三條。己酉遠江國養原郡人秦成女一產二男一女賜正稅稻三百束及乳母一人。癸丑西京衛士町灾燒百姓戶舍廿餘烟。九月癸亥朔丁卯以散位從五位上藤原朝臣官房為中務大輔。辛未是重陽之節也。天皇御紫宸殿宴于親王已下侍從已上但召非侍從諸司綠衫知文者如常同賦草木言之題。宴記賜祿有差。庚

辰入唐來法僧慧靈獻孔雀一鸚鵡三狗三 庚寅山城國愛宕
郡空閑地一町八段賜散位正六位上讚岐朝臣永成 十月癸
巳朔授正六位上安陪朝臣長谷從五位下上野國郡波郡人左
近衛府將監正六位上檜前公經主賜姓上毛野朝臣兼貫左京
四條 甲午遣唐天台請益僧圓仁及弟子二人唐人狀二人到
自大唐 丁酉詔贈大納言從三位橘朝臣奈良磨更贈太政大
臣正一位崇帝戚也 己酉從五位下藤原朝臣高直為班山城
田使次官從五位上登朝臣年嗣為大和次官從五位上藤原朝
臣貞守為河內和泉次官從五位下藤原朝臣貞世為攝津次官
辛亥授雙丘東墳從五位下此墳在雙丘東天皇遊獵之時駐
蹕於墳上以為四望地故有此恩 壬子雙丘下有天池池中鳥
成群乘駕臨幸放鵠隼拂之左大臣源朝臣常山庄在丘南因獻
御贊賜扈從臣等饌 甲寅奉授備中國无位吉備津產命神從

四位下 乙卯以從五位下橘朝臣仲村磨為紀伊人 戊午二
品有智子內親王薨遺言薄葬兼不受葬使內親王者先太上天
皇幸姬王氏所誕育也頗涉史漢兼善屬文元為賀茂齋院弘仁
十四年春二月天皇幸齋院花宴俾文人賦春日山庄詩各探勒
額公主探得塘光行蒼郎澄筆曰寂寂幽庄山樹裏仙輿一降一
池塘栖林孤鳥識春澤隱澗寒花見日光泉声近報初雷響山色
高晴暮雨行從此更知恩願渥生涯何以吞穹蒼天皇歎之授三
品于時年十七是日天皇書懷賜公主曰忝以文章著邦家莫將
榮樂肩煙霞即今永抱幽貞意無事終須遺歲華尋賜召文人料
封百戶天長十年叙二品姓貞潔居干嵯峨西庄薨時春秋四十
一 己未鷲集春興殿上 十一月癸亥朔丙寅奉授陸奧國無
位字奈己呂列神從五位下 己巳尚藏從二位緒繼女王薨女
王能有妖媚之德淳和太上天皇殊賜電幸令陪宮掖薨時遺命

不受葬使于時年六十一 辛未天北有聲如雷 癸酉奉授尾
張國元位大縣天神真清田天神二前並從五位下 己卯分遣
使京師及畿內大寺廿六所誦經修福 壬午人定之時有如流
星者自西殞東其光赤廣二町餘長十許丈 癸未屈五十僧於
清涼殿日轉金剛般若夜修十一面法兼令十四口僧修息災法
於真言院並以三箇日為限焉 十二月壬辰朔癸巳以律師傳
燈大法師位長訓為少僧都大法師道雄為律師 癸卯奉授河
內國丹比郡元位丹比神從五位下 乙巳從五位下紀朝臣全
吉為主殿頭從五位上百濟王慶世為齋院長官 庚戌右大臣
從二位橘朝臣氏公薨遣中使於第詔贈從一位遣奏議從四位
上行式部大輔兼勘解由長官滋野朝臣貞主從四位下行治部
大輔房世王等監護喪喪氏公者贈太政大臣正一位清友朝臣
之第七子也弘仁之初任左衛門大尉六年叙從五位下尋轉佐

八年十月加正五位下任但馬守十一年叙從四位下頻加階級
十四年至正四位下天長十年授從三位為右近衛大將六月加
從二位任右大臣移病居第不視世事以天后第歷此顯要焉薨
年六十五 丙辰勅大和國城上郡長谷山寺高市郡壺坂山寺
元來靈驗之蘭若也宜付所由綸為定額永以官長令驗拔也

續日本後紀卷第十八起十五年正月尽嘉祥元年十二月

太政大臣從一位臣藤原朝臣良房等奉 勅撰

十五年春正月壬戌朔 天皇御大極殿受朝賀皇太子不朝緣
病也迴御紫宸殿宴侍從已上賜御被 乙丑聖躬微不調適尋
乃安豫是日仰七道諸國貢身長六尺已上者 戊辰天皇御紫
宸殿饗百官詔授無品良貞親王人康親王並四品正五位上岑
成王從四位下從五位下嶋江王從五位上正六位上永直王久
須野王並從五位下從四位下藤原朝臣嗣宗從四位上正五位
下長岑宿祢高名清岑朝臣門繼藤原朝臣諸成從五位上伴宿
祢善男並從四位下從五位上春澄宿祢善經藤原朝臣氏宗並
正五位下從五位下丹墀真人諸氏平朝臣春香並從五位上外
從五位下善友朝臣類主豐任朝臣永貞正六位上源朝臣慤死
位源朝臣舒正六位上橘朝臣常蔭良岑朝臣正直橘朝臣主雄

臣勢朝臣河守藤原朝臣諸數橘朝臣高宗淡海朝臣弘岑藤原朝臣秀道丹墀真人經主紀朝臣興成佐伯宿祢雄勝安陪朝臣真掩持並朝臣繁主賀茂朝臣東守八多朝臣安嗣大枝朝臣音人並從五位下正六位上高村宿祢武主榎井朝臣嶋公豐階公安人安墀宿祢豐額朝原宿祢良道神直虎主並外從五位下宴訖賜祿有差 己巳於大極殿修最勝會是日叙從五位下藤原朝臣泉子從五位上橘朝臣鎮子藤原朝臣指南文室朝臣近子出雲臣成子並從五位下神門臣當繼外從五位下 辛未天皇御紫宸殿勅授參議正四位下安倍朝臣安仁從三位以大納言正三位藤原朝臣良房為右大臣右近衛大將如故中納言正三位源朝臣作為大納言參議從三位左大辨源朝臣弘參議從三位行右大弁春宮大夫安倍朝臣安仁並為中納言左近衛中將從四位下藤原朝臣良相為參議 甲戌天皇御紫宸殿以參議從四

位下小野朝臣篁為左大弁兼信濃守勘解由長官如故中納言從三位安倍朝臣安仁為兼民部卿春宮大夫如故參議從四位上藤原朝臣長良為左衛門督參議從四位上藤原朝臣助為兼左兵衛督彈正大弼下野守如故從五位下佐伯宿祢雄勝為右馬頭外從五位下高岳宿祢武主為山城公從五位下藤原朝臣閑主為攝津守外從五位下榎井朝臣嶋公為參議從三位源朝臣之為兼尾張守中務卿如故從五位下藤原朝臣高直為駿河守外從五位下冰宿祢繼磨為入四品時康親王為常陸太守從五位下和朝臣豐永為安房守從五位上藤原朝臣宮房為美濃守從五位上藤原朝臣安永為越中守外從五位下安墀宿祢豐額為入從五位下淡海真人弘岑為丹後守外從五位下縣連代益為播磨權入從五位下橘朝臣高宗為美作入從五位上藤原朝臣貞守為備中守從五位上紀朝臣孫雄為安藝守正四位下

源朝臣明為兼阿波守刑部卿如故從五位下安倍朝臣忠雄為
讚岐公從五位上豐前王為伊勢守從五位上在原朝臣行平為
兼右近衛少將如故外從五位下秦忌寸福代為兼土佐大目
一品為原親王家令如故 乙亥最勝會訖更引諸宗名僧十餘
人於內裏令論義畢施御被 丁丑天皇御紫宸殿宴侍從已上
覽踏歌訖賜祿 戊寅大臣奉勅率百官觀射禮於豐樂院 己
卯天皇御內裏射場閱覽四衛府諸射 辛巳上幸神泉苑放雉
獲水鳥百廿翼日暮賜侍從已上祿 壬午上御仁壽殿內宴如
常殿前紅梅便入詩題宴訖賜祿有差 癸未正三位守右大臣
兼行右近衛大將藤原朝臣良房上表請退大臣職曰臣同綿蠻
畧翻長謝乘天之遊類歎敗兼行遂非遜日之用是知力所不逮
不可假之多名戈所不通不可責之以効臣以菲磷本謝聲華幸
籍時議早參藩邸聖主加其蕃履之恩採其錐刀之末使位均龍

作議接台御深息靡際淺効無酬竊位素食之慙未嘗一日忘心
不悟朝弊數覃榮忝更甚端右之重忽委愚臣竊以百揆務殷三
臺任切惣彼多士弼茲萬機自非博雅量樂廣清規求猶亦懼不
克堪况於淺中浮植者乎臣欲碎破頭顱欽戴國命義在損身衆
謗非辱但懼康鈞非器具瞻失望則鬼瞰得便人指歸咎伏願垂
察丹翹曲留白揆時收漁汚更擇賢才則上有成物之慈下無貪
榮之異矣不任荒悚之至謹拜表以聞 天皇不聽 乙酉右大
臣重上表曰臣良房言臣前表陳誠仰希哀察而宸居冲邈天顧
不迴同飛鳥之遺音未知彼集似蕉原之狂跟空自陪危臣聞器
小而漏其覆不遲墻隙而高其墮必疾臣才能無紀績用罕聞素
沐鴻新累塵榮序丘丘恩徒積涓涓之効靡酬常慙盪吹若陷塗
炭况亦端揆之任惣貳天下苟非其器則家國招累若臣之庸流
何用堪此職臣猶知其不可物其謂臣如何懼代檀之刺更興於

聖時濡翼之非亦出於昌運臣雖不敏猶識天恩庶竭丹愚以蒙
 玄化豈敢逡巡有所飾讓實以揣分量力非所克堪伏願矜其不
 逮察其深誠時迴虛授之恩賜許知足之分則補袞之美更便英
 賢負乘之災免鍾愚劣不任惶窘之至重拜表以上聞屢黷疏聽
 伏惶兢悚 天皇不聽 庚寅有狂人欲闕入陰明門街捕之
 將去 二月辛卯朔壬辰勅以從四位下伴宿祢善男為參議
 癸巳參議從四位下小野朝臣篁為斑山城田使長官散位從五
 位下文室朝臣有真為次官參議從四位下伴宿祢善男為斑河
 內和泉田使長官散位從五位下藤原朝臣近主為次官 甲午
 散位從四位上藤原朝臣雄敏卒 丁酉右大臣正二位源朝臣
 常上表請辭所帶左近衛大將之職天皇不許之 庚子上總國
 馳傳養俘囚九子迴毛等叛逆之狀登時勅符二通發遣一道賜
 上總國一道賜相模上總下總等五國令相共對議 壬寅上總

國馳驛奏斬獲反叛俘囚五十七人 癸卯左大臣上表重請解
 大將不許之 甲辰以參議從四位下伴宿祢善男為右大弁從
 四位下藤原諸成為右中辨從五位下並山王為中務大輔從五
 位下行大枝朝臣音人為大內記從五位下橘朝臣高成為圖書
 頭從五位下中臣朝臣逸志為內藏頭從五位下良岑朝臣長松
 為縫殿頭從五位下藤原朝臣貞守為式部少輔三品賀陽親王
 為治部卿從五位下坂上大宿祢正野為大輔從五位下藤原朝
 臣正世為少輔從四位下房世王為宮內大輔從五位上笠朝臣
 年訓為大膳大夫從五位下高毅王為內膳正正五位下藤原朝
 臣氏宗為春宮坊亮從五位下豐任朝臣求貞為齊宮頭外從五
 位下伴吉田連宗為勘解由使次官正四位下源朝臣融為兼右
 近衛中將兼作守如故從五位下文屋朝臣有真為左衛門佐參
 議從四位上橘朝臣峯繼為相模守右衛門督如故從五位下紀

朝臣興茂業爲武藏權公從四位下藤原朝臣岳守爲近江守從五位下巨勢朝臣河守爲丹波公正五位下春澄宿禰善經爲兼備中守文章博士如故從五位下藤原朝臣近主爲入從五位下橘朝臣真直爲兼安藝公右近衛少將如故 乙巳請百僧於紫宸殿爲清涼殿轉讀大般若經禱 戊申讀經事畢施物如常更有勅施百僧度者各一人亦遣中使於八省院別試持經持咒拔萃者於是肩笈杖錫自四方至者數百人就中及第者七十餘人並聽待皆以 宗居名上 乙酉奉授隱岐國天佐目比古命神從五位下 辛亥正一位勳一等賀茂御祖大社祢宜外從五位下鴨縣主廣雄等款云去天平勝宝二年十二月十四日奉充御戶代田一町自尔以降未被奉加因茲年中用途乏少請准別雷社加增御戶代田一町勅許之奉授禰中國吉備後命神從四位上 壬子地震声如雷群犬驚吠陸奧國磐瀨郡權大領外從

七位上大部宗成等特給職田以視民有方公勤匪懈也 丙辰聖躬不豫也大臣以下陪候陣頭是日宮城坤角垣瓦無故頽落其響如雷 三月庚申朔河內國河內郡人大初位下秦宿禰世智雄賜姓朝原宿禰 甲子攝津國阿邊郡人從八位下益人等七人依漏姓字加賜連字是日永安門西廊有火近衛及岑良等競捷水沃之即滅初是作物所治師行火之所延也 乙丑神泉苑東垣瓦八丈餘無故頽落声不異雷 丁卯大地頗震 壬申勅奉充山城國乙訓郡山崎明神御戶代田二町伊豆淡路兩國飢遣使賑給 己卯從五位下藤原朝臣秀道爲安房守從五位下和氣朝臣豐永爲越中守 辛巳削自外國官遷任京官未預參前更任外職通計前歷 乙酉天台宗入唐請益僧圓仁將弟子僧性海惟正等去年十月駕新羅商船來着鎮西府是日歸朝遣中使慰勞各施御被 丁亥地震 四月庚寅朔 上御紫宸

殿皇太子侍焉公卿及侍從已上鐘鼓歌舞日暮賜祿有差五世
 无位春常王六世正六位下田上王正六位下春世王等三人賜
 姓文室朝臣並天淳中原瀛真人天皇第二皇子二品 長親王
 之後也 壬辰地震以叅議從四位上藤原朝臣助為彈正大弼
 左近衛督如故叅議從四位下小野朝臣實為勅解由使長官左
 大弁信濃守如故 甲午上幸神泉苑轉御冷然院次幸北野
 壬寅授正五位下橘朝臣百揆從四位下正六位上倉橋部直氏
 嗣外從五位下 癸卯本康親王及源朝臣冷於清涼殿冠焉並
 天皇遺體也本康親王同產桑子內親王亦初笄焉是日賜近習
 臣及侍從已上祿有差 甲辰遣內豎七人誦經諸寺 丙午上
 幸冷然院賜扈從親王及侍從祿 丙辰上御武德殿閱覽諸牧
 細馬兼令四衛二府驍才者騎射 五月己未朔日有蝕之 辛
 酉勅賜兵部卿四品忠良親王御劔 癸亥天皇御武德殿觀馬

射 甲子四品良貞親王俄薨焉淳和太上天皇第五皇子也由
 是天皇不御武德殿 乙丑聖體不豫也頒使七寺同時誦經
 戊辰上御武德殿閱覽種種武藝警蹕侍衛同六日儀 辛未奉
 授陸奥國從五位下勳九等刈田嶺名神正五位下餘如故陸奥
 國白河郡大領外正七位上奈須直亦竜權大領外從七位下勳
 九等大郡宗成刑城團擬少毅陸奥大郡臣繼嶋權主政外從七
 位下文部本成信夫郡擬主帳大田部月麻呂標葉郡擬少領陸
 奥標葉臣高生伊具郡麻績卿户主譽城團擬主張陸奥臣善福
 色麻郡少領外正七位上勳八等同姓千繼等八烟賜姓阿陪陸
 奥臣 壬申從五位下橘朝臣安吉雄為侍從從五位下橘朝臣
 與雄為宮内少輔 癸酉紀伊國在田郡為上郡以戶口增益課
 丁多數也無品崇子內親王薨淳和太上天皇之皇女也母橘氏
 云遣兵部大輔從四位下豐江王并五位三人監護葬事 己卯

有勅賑給飢民匪置城中特單城陞危困之俗莫不慶賴 庚辰
上幸冷泉院避暑是日地震奉授武藏國元位松山名神從五位
下 壬申太宰府獻白龜 丙戌外從五位下伴吉田連宗為大
判事從五位下藤原朝臣秀道為大炊頭外從五位下山田宿祢
文雄為勘解由次官外從五位下壬生忌寸永副為河內權外從
五位上藤原朝臣氏範為遠江權守從五位下善友朝臣豐宗為
上總權外 六月戊子朔連雨不停雨勢如走飢水 己丑奉幣
雨師神社以祈止霖雨 庚寅越中國飢賑給正三位守右大臣
兼行右近衛大將臣藤原朝臣良房上表曰臣先對鶴書自羞鴉
翼一心憂結比表歸聞而皇天不仁遂收慈於辭職王事靡盬空
耻於監吹臣間有非常之功受非常之福臣過以頑魯深沐聖恩
官已崇而又重位已極而更加遂居三獨坐之尊當食二千戶之
邑此榮也非臣本望此祿也但臣新意在樹為再實之我在禽為

翰音之象顧此盈滿之咎不寒自慄臣雖無深謀遠慮而猶如懷
德戴息冀以端慤畏慎百身壹心上全大恩下守微志長冷雍惶
之和終奉告成之礼豈敢坐安戶素多食封邑陷于招損之禍貽
以不郎之嗟乎伏願 天聽不遠皇鑒照微殊降福謙之恩許還
封戶之半然則重載少減沉舟乍浮至盈而稍挹敬器更正不任
惶窘征管之至謹昧死再拜以陳乞 天皇不許是日左大臣從
二位兼行左近衛大將皇太子傅臣源朝臣常正三位守右大臣
兼行右近衛大將臣藤原朝臣良房大納言正三位臣源朝臣信
中納言從三位臣源朝臣弘中納言從三位兼行民部卿春宮大
夫臣安信朝臣安仁參議從三位行中務卿兼尾張守臣源朝臣
定斑大和國田使長官參議從四位上式部大輔臣滋野朝臣貞
主斑攝津國田使長官參議從四位上行左兵衛督兼彈正太弼
下野守臣藤原朝臣助參議從四位上行左衛門督臣藤原朝臣

長良參議從四位上行右衛門督臣源朝臣岑繼班山城國田使
長官參議從四位下守左大弁兼勘解由長官行信濃守臣小野
朝臣篁參議左近衛中將從四位下臣藤原朝臣良相班河內和
泉國田使長官參議從四位下守右大弁臣伴宿祢善曾等上表
言臣聞潛化非理物至則形玄感雖昧在幽必顯德之所極靈祇
不能秘其福道之所裕川岳無愛其宝故盛水衝符之瑞跡昇軒
壇媯淵負圖之祥光浮堯堵伏惟 皇帝陛下德冠神表道軼帝
光握金鏡而照臨惣環瀛而富有悖睦辨章之意具食兢懷寧人
濟俗之心夕惕興慮岳仁愛於万物施慈育於群生寰寓無虞表
裏清謐伏見太宰大貳從四位上紀朝臣長江等奏備所管豐後
國大分郡擬少領膳伴公家吉於同郡寒川石上獲白龜一枚經
千里之荒繳入九重之震聞出自籠遺放于庭墀既在躬膝豈因
敷養質類疑霜形同搏雪天憑異物而致瑞欲蟄還出地假殊欣

而見符在涅而不淄實曠古之嘉貺希代之偉觀謹案礼含文書
云外內之制各得其則山澤出靈龜孝經援神契云王者德澤洽
則神龜來孝道行則地龜出能氏瑞應圖云王者不偏不黨尊用
耆老不失故旧德澤流洽則靈龜出後魏書曰冀州獻白龜王者
不私久以官尊善任旧無偏無黨之瑞也 陛下帝德王功巍巍
如彼靈符嘉應之光如此千歲一至之祥杳前王之矩邈占惟新
之會重列聖之規依據圖謀實合大瑞加以龜生於金而遊於火
今生得其正自金方而來輪遊不憚時在火候而入貢未有也將
方叶時与正符如此之奇也皆天之氣食土之毛莫不魚躍鳥飛
抃舞皇極况臣等叨竊纓冕忝列台衛荷恩既深情異九百不任
誠慶之至謹而詣闕奉表賀聞 壬辰勅曰靈心演貺佇休曆而
必臻神道初禎在至仁而斯感是以遊蓮瑞質表昌化於堯壇戲
藻奇恣報禎期於軒浦朕嗣膺宝曆恭纂瑞圖道謝鴈行風慙雉

飲宵衣禹室空慙納阮之心盱食堯宮未致可封之化而今卿等
表駕如斯朕之菲虛何以克任况復神無常祐惟德是依瑞無常
臻因化呈象故宝祚之慶在道不在神天下之平惟人惟瑞但使
內富駟虞之相非宋永伯之榮光朝盈鴻斬之英何用波臣之耀
彩卿等宜叶濟臣以助薰風嘉祥之叢情所未時是日太政官牒
送在唐天台宗留學問僧圓載其辭奉勅省圓載收歎客服變更
心更艱阻然自強不息乞留數年允人心也皆戀卿士非敦永法
誰樂遠偏事須遂其實歸不厭年深又風潮万里賫獻遠臻物豈
在寄唯嘉乃情宜因于遠成等還次今知此意裁賜金物以充振
資者准勅聽更任數年兼賜黃金一百廿兩宜領之 甲午左大
臣藤原朝臣重上表請減食封 天皇許之 乙未大臣以下重
詣朝堂上表曰臣常等言臣聞皇軫艱瑞以不虛見為珍后土藏
祥以不妄應為貴聖人觀之以開曆愆后奉之而棄命命不可以

求道不可以曠龔行之典千古無憾交際之誤百王不易伏惟
皇帝陛下推切不宰應物為心簡庶事於人謀順逆必取引四時
於己任德刑同施仁以濟辜義以斷息飛沉所樂玄盛急於置劫
幽明所符神物切於推轂今脩其所感神龜自臻藏采千載獻狀
一朝上天既不違陛下陛下何不奉天時而情存損挹推而不居
志執鳴謙抑而不當臣等以為日中則暉時至則行務當在於及
時事安俟終日豈使祥符顯慶沒而無聞應會昭敷廢而不記實
恐天謝致貺有時不乘地倦至符自我而絕替天之命失民之望
臣等區區深所未喻不任惶歎之至重詣闕拜表以聞後式部省
及僧經等抗表賀白龜瑞 丁酉勅曰陰陽寮申云今茲秋雨應
為害者若不豫防恐損年穀宜令五畿內七道諸國奉幣於名神
以防止雨害 庚子兼和十五年為嘉祥元年下 詔曰玄楫丹
軸通上靈以疑禎 辨津伯鱗宗魚暢潛貺以廢社肅虛名為巨瑞

千載而稀一遭謂爲四靈百王之所同貴近有太宰府獻白龜所
管豐之後國大分郡擬少領膳伴公家吉於寒川石上得之公卿
上表曰孝經援神契云王者德澤洽則神龜來孝道行則地龜出
能氏瑞應圖云王者不偏不黨尊用耆老不失故舊德澤流洽則
靈龜出後魏書云冀州獻白龜王者不私人以官尊耆任舊無偏
無黨之瑞依據圖牒實合大瑞朕自君臨赤縣子愛蒼旻勞起體
於萬機空成脍脍而被葷腥於億兆遂慙勩華何以副上玄之神
契應函質之冥符故抑而不宜勅斷慶賀而同稱靈應重表慙
朕不忍閉距反覆念之昔王伴任貶儒言以爲溢猶謂麟鳳之類
難萃唐太宗嫌瑞物以爲謙仍令龜龍之流依舊况皇天之意唯
欲愛人必福之臻豈独在乎當是上類宗祧之宜祐下緣台輔之
懇誠使蠢蠢含生同驥首於壽域茫茫舉土共開懷於仁風宜播
茲雷雨与天下惟新其改業和十五年爲嘉祥元年自今日昧爽

以前大辟以下罪無輕重未發覺已發覺未結正已結正繫囚見
徒咸皆赦除但犯八虐故殺謀殺私鑄錢強竊二盜常赦所不免
者不在赦例今天下無輸今年田租之半又復徭役十日若已役
者宜折來年大分之郡嘉瑞做出令免今年田租其獻龜人叙正
六位上給物准例内外文武官主典已上加位一級但正六位上
者迴授一子若無子者宜量賜物五位已上爲孫年廿已上者亦
叙當蔭之階天下老人爲僧尼八十已上者節級賜物鰥寡孤獨
不能自存者量加賑恤孝子順孫義夫節婦旌表門閭終身勿事
早先替衣而施奠致掛壁之譏 辛亥地震是日聖躬苦熱誦經
諸寺 壬子地震 甲寅聖體平復 乙卯以權律師真紹爲正
大法師真雅爲權律師右衛門南町民家失火延燒數十烟 七
月壬午朔己未奉幣帛於松尾賀茂上下社貴布祢兩師社以祈
甘雨勅准西市司賜東市印一面 辛酉右京人蔭孫正六位下

豐野真人澤野兄弟姊妹十人賜姓高階真人天淳中原瀛真人
天皇之苗裔也 壬戌從五位下藤原朝臣秀雄爲大監物從五
位下大神朝臣宗雄爲安房守 癸亥請百僧於八省院轉讀大
般若經以祈甘雨 甲子有颶風起自春與殿庭轉至紫宸殿東
北頭更經清涼殿東便向右近衛陣敷揚炬屋離地數尺到版位
前披靡悉摧 卯奉幣帛於伊勢太神宮及賀茂上下松尾社
並告依瑞改元兼今祈防水旱也 壬申是太上天皇國忌日也
令公卿已下齊祝於廣雄山寺兼請律師實敏大法師願勤道昌
光定等於清涼殿令講法華經竟施物有差 甲戌勅曰頃者太
宰府進白龜檢之圖典實合大瑞自非神明靈應之佐豈獨致希
代之貺宜^轉幣五畿內七道諸國天神地祇賀被寡報 丙子遣
公卿等告白龜瑞於十二諸陵焉 壬午奉授正四位上今木大
神從三位從五位上古閑神久度神並正五位下死位今殿比咩

神從五位下 癸未棲鳳樓閣 有死人枯骨之連綴不辨男女
工匠修理之次登閣上而見着矣 甲申因幡國法菟郡死位宇
倍神奉授從五位下即預官社以國府西有失火隨風飛至府舍
將幡國司祈請登時風輟火滅靈驗明白也 乙酉出雲國飢賑
給之 丙戌雷電非常 丙辰災于東西二京九十一家木工寮
倉東市司樓治部卿賀陽親王家屋伊都內親王家屋中務卿源
朝臣定家屋右馬頭藤原朝臣春津家近江守藤原朝臣岳守家
屋弘文院屋自餘三處小民宅者不足具記 八月丁亥朔己丑
雨降通霄不止 庚寅雨勢如倒并終日不息 辛卯洪水浩浩
人畜流損河陽橋斷絕僅殘六間宇治橋傾損茨田堤^牲往墮絕
故老僉曰倍干大同元年水可四五尺 壬辰遣左大臣檢非違
使及看管近衛等巡察京中被水害者兼復遣左衛門佐從五位
下紀朝臣道茂齋米塩賑恤之肥前國養父郡人太宰少典從八

位上筑紫公文公貞直兄豐後大目大初位下筑紫公文公貞雄
等賜姓忠世宿祢貫附左京六條三坊 甲午遣使攝津河內兩
國巡檢於被水災者開便近倉庫賑給之 壬寅勅伯耆國會見
郡路下士條荒廢公田百廿町去天長七年賜有智子內親王家
宜割八十町賜親子內親王 甲辰紀伊國言牛一產三頭牛
庚戌大僧都傳燈大法師位明福遷化法師俗姓津守宿祢氏右
京人也故大僧都傳燈修行賢大禪師賢璟之門徒也天性聰悟
訪道不倦延曆十年得度住興福寺唯識之宗法相之理無疑不
妄罔義不窮昔維摩會及八省講師等忽然有病不能昇座大衆
僉推法師而為座主於是法師敷揚義理辨折衆疑圖坐悅伏祢
為法將復矚施之物元來不蓄巾鉢之外咸以分散天長兼和之
間頻經擢拔登大僧都位其後終于所居寺時年七十一 壬子
以從五位下南洲朝臣穎守為大炊頭從五位上清滝朝臣河浪

為大和權守從五位下文室朝臣有真為近江公從五位下佐伯
宿祢雄勝為信濃公從五位下橘朝臣春成為能登守 甲寅奉
授下野國正五位上勳四等二荒神從四位下餘如故 九月下
巳朔戊午青鷺集紫宸殿南庭版位下 乙丑重陽節也天皇御
紫宸殿宴于公卿及文人如常是日同賦雨洗白菊以應製宴記
賜祿 已亥令鑄新錢下詔曰觀大洞八連三重規墨矩莫不交
易以強國代遷以利民故鷹揚神文立九府之山經龍相天人施
五銖之異制象乾坤之方圓同川岳而流積無遠不往無深不臻
便用輕通家國同利但輕重有異子母相通數入星掄形圖水荇
用捨之端無定小大之變隨時今者天賜嘉祥曆改年号若使銖
文貨割仍舊不悛恐乖變通之規或曰惟流弊之咎宜改曰貫於
鳧鏹磨新秋於金刀文曰長年大宝一以當舊之十新之與舊並
用雜行將令用而不倦既富之而教之是日遣左中弁從四位下

藤原朝臣嗣宗治部少輔從五位下藤原朝臣真世外從五位下
山代宿祢氏益六位判官四人主典四人等令築茨田隄 丙子
以少僧都延祥為大僧都律師實敏為少僧都權律師真雅為律
師大法師安戒為權律師 辛巳從五位下坂上大宿祢當宗為
陸奧鎮守將軍如故 冬十月丁亥朔天皇御紫宸殿宴侍從
已上賜祿有差讚岐國言三野郡人從四位上九部臣明麻呂年
卅戶主外從八位上已西成男也齡十八歲入都從官遂効勞績
被任當郡大領即讓已職於父自守子道孝養二親已西成老致
仕任親母亦老各別宅相去十里明麻呂朝夕往還定省年久眷
其孝行在昔曾參不可獨賢望請准擬法式以被貢奉者勅宜叙
爵三階終身免戶內田租 辛卯行幸神泉苑 癸巳地震 丙
申上御內裏射場賜錢有差 庚子聖躬不豫遣使誦經於京城
七箇寺 丙午地震 戊午行幸神泉苑轉幸北野遊獵 壬子

幸雙岳臨池放草 十一月丁巳朔戊午奉授後國正五位下
高良玉垂神從四位下山城國无位櫛谷神從五位下 己未下
野國言某師寺者天武天皇所建立也體制巍巍宛如七大寺資
財亦巨多坂東十國得度者咸萃之於此而只有別當无誦讀師
令國誦師勾當雜事未諸故實未觀所由望請准太宰府觀青寺
簡擇戒壇十師之中智行具足為無所推者充任誦師便為受戒
之阿闍梨 勅誦師依請任之但讀師臨事次第充用彼寺僧中
智行備者別當之職早從停止 辛未大和國吉野郡大領吉野
連豐益依政績有聞借授外從五位下 壬申隱岐國伊勢命神
預明神例綠屨有靈驗也 十二月丙戌朔散位從四位上長岡
朝臣世成卒 丁亥地震 己丑刑部少輔和氣朝臣齊之依犯
大不敬當絞刑勅減一等流伊豆國 丁酉制權任國司并史生
博士醫師秩滿不待下將直令去任唯獨為長官者待受領之人

庚戌勅從四位上正躬王正五位下伴宿祢成益從五位下藤原朝臣豐嗣等先惟疎網下千秋官憲法所當理存不忍今星曆已用恩波蕩滌宜脩旧典降先一等叙之正躬王可從四位下成益從五位上豐嗣從五位下 甲寅遣奉幣香推廟其乙卯大判事外從五位下讚岐朝臣永直坐和氣齊之事配流土佐國是日能登國馳驛奉 渤海國入覲使王文姬等一百人來着矣

續日本後紀卷第十八

天文四三二

續日本後紀卷第十九起嘉祥二年正月盡十二月

太政大臣從一位臣藤原朝臣良房等奉

勅撰

嘉祥二年春正月丙辰朔廢朝賀緣去年天下有洪水害秋稼不登也天皇御紫宸殿宴侍從已上賜御被 戊午山城國愛宕郡人散位正八位下客公成人改本居貫內右京六條三坊 壬戌天皇御紫宸殿覽青馬宴群臣詔授無品恒貞親王三品无品本康親王四品正三位藤原朝臣良房從二位正四位上橘朝臣岑繼從三位從四位下小野朝臣篁從四位上從四位上高枝王正四位下无位貞內王從四位下從四位下豐江王從四位上正五位下有雄王從四位下從五位下並山王從五位上无位安原王正六位上利見王並從五位下无位源朝臣勝源朝臣多並從四位上從五位上藤原朝臣行道正五位下從五位下藤原朝臣常永伴宿祢諸野橘朝臣真直高階真人岑緒並從五位上外從五

位下秦忌寸福代擾并朝臣嶋公无位在原朝臣業平正六位上
良岑朝臣清風藤原朝臣吉倫雄藤原朝臣長基藤原朝臣虎主
田口朝臣岑永紀朝臣全法笠朝臣岑雄藤原朝臣真道橘朝臣
數岑橘朝臣岑緒丹墀真人弟梶賀茂朝臣弟岑文室朝臣壘田
磨大春日朝臣真野磨縣大養宿祢氏河當真人鴨繼御春朝臣
真濱並從五位下正六位上蕃良朝臣豐持高岳宿祢宗雄上毛
野朝臣經主百濟宿祢康保大泰公是雄並外從五位下宴竟賜
祿有羌 癸亥於大極殿修最勝會是日授正六位上內藏朝臣
高守從五位上壹志公吉野外從五位下无位源朝臣聲姬從四
位下无位大中臣朝臣東子布勢朝臣武藏子並從四位上无位
坂上大宿祢定子田口朝臣表濃子並從五位下 戊辰四品宗
康親王爲兼中務卿太宰帥如故從二位橘朝臣岑繼爲權中納
言從五位下橘朝臣海雄爲右少辨外從五位下壬生忌寸永嗣

爲河內人從五位上藤原朝臣仲統爲兼伊勢守左近衛少將如
故從五位下藤原朝臣冬緒爲人外從五位下菅野朝臣繼門爲
參河守從五位下藤原朝臣直道爲相摸人從五位下橘朝臣本
繼爲武藏守從五位下紀朝臣全法爲常陸人從五位上藤原朝
臣高房爲越前守從五位下出雲朝臣岑嗣爲越後守從五位下
賀茂朝臣弟岑爲人從五位下紀朝臣道茂爲兼但馬守左衛門
佐如故從五位下坂上大宿祢河內麻呂爲因幡守從五位下菅
野朝臣高年爲人從四位下有雄王爲出雲守從五位下藤原朝
臣松敷爲石見守從四位下藤原朝臣諸成爲備前守從五位下
大枝朝臣直臣爲備前守外從五位下三統宿祢真淨爲人從五
位下丹墀真人弟梶爲周防守從五位下紀朝臣真丘爲長門守
從五位下菅野朝臣是善爲兼讚岐權人文章博士東宮學士如
故從五位下藤原朝臣真岑爲土左守從五位下藤原朝臣正世

為肥後守外從五位下山宿稱池作為奴 己巳最勝會竟引諸
 宗名僧十四人於內裏令論義訖施御被 壬申左右大臣奉勅
 行射禮於豐樂院百官共觀之 乙亥天皇御仁壽殿內宴如常
 是日叙元位源朝臣冷從四位上 丁丑尚侍從三位百濟王慶
 命薨有勅贈從一位遣從四位上豐江王從五位下叡直王從五
 位下藤原朝臣緒數從五位下飯高朝臣永雄監護喪事 辛巳
 傳燈大法師位壽憲言以伊勢國多度太神宮法雲寺為真言別
 院即為護國家兼奉飭太神者依請許之 三月丙戌朔以少內
 記正七位上縣大養大宿祢貞守直誦正六位上山口忌寸西成
 等為存問渤海客使發遣於能登國 庚寅奉授武藏國伊波比
 神從五位下 辛卯散位從四位上藤原朝臣長聖率大納言正
 二位真楢朝臣之孫贈左大臣從一位內麻呂朝臣之第六子也
 大同二年任陸奧大掾時年九月遷左兵衛少尉最長武藝五

箇年間供步騎兩射之節无有過差弘仁二年除出羽及不之國
 留京尋補駿河公十年正月叙從五位下拜播磨公轉長官天長
 元年任山城守加從五位上累遷治部宮內大輔木工頭八年正
 月除但馬權守兼右衛門佐兼和之初遷右馬頭授正五位下拜
 越前守尋叙從四位下所在以清幹稱十年春亦任山城守移病
 不出尋秋七月任大和守固辭不免白頭莅職十三年正月叙從
 四位上秩滿更隱居宇智郡山家而終矣時年六十四 壬辰勅
 從三位松尾太神社松宜祝等預把坊之例 戊戌狐入內裏犬
 逐出自月華門逃昇南殿上遂為大所啞 己亥無品大宅內親
 王薨天皇不親事三日親王者桓武天皇第八皇女也母橘氏正
 五位下嶋田磨之女從三位常子是也 戊申讚岐國河野郡人
 內膳常膳外從位下綾公姑繼主計少屬從八位上綾公武主等
 改承居貫附左京六條三坊 庚戌太宰府言對馬嶋司解備此

鳴居海中地近新羅若有機急者何以備不虞望請停史生一負
 置弩師一負依請許之陰陽寮言今年疫癘可滋又四五月應有
 洪水者勅頃來染疫之人徃徃天亡夫護訪之特實賴冥威存濟
 之方亦期梵力宜令五畿內七道諸國奉幣名神兼復於國分二
 寺及定額寺一七箇日晝轉經王夜礼觀音如法修行必呈灵感
 此日奉授丹後國龍神從五位下王子正四位下源朝臣明為奉
 議刑部卿阿波守如故參議從四位下伴宿祢善男為兼右衛門
 督右大弁如故正五位下藤原朝臣氏宗為右中弁從五位下佐
 伯宿祢屋代為大監物從五位下橘朝臣數岑為內匠頭外從五
 位下伴吉田連宗為兼明法博士大判事如故從五位下藤原朝
 臣松影為治部少輔從五位下藤原朝臣閑雄為刑部少輔從五
 位下藤原朝臣本雄為大判事外從五位下蕃良朝臣豐持為大
 炊頭從五位上丹墀真人石雄為彈正少弼外從五位下豐階公

安人為東宮學士從五位下藤原朝臣常道為東宮亮外從五位
 下山代宿祢氏益為勘解由次官從五位下長岑宿祢秀名為山
 城外從五位下藤原朝臣正世為河內權守外從五位下高村宿
 祢武主為伊豆守從五位下紀朝臣興我業為武藏外從五位下
 藤原朝臣世數為越後外從五位下清滝朝臣藤根為出雲守從
 五位下文室朝臣海田磨為石見守從五位下安倍朝臣長谷為
 伊豫權外從四位下有雄王為肥後守外從五位下高丘宿祢真
 雄為外 癸丑奉授讚岐國田村神從五位下 三月乙卯朔已
 未行幸水生瀨野山城攝津河內等國司獻御贄賜扈從臣并國
 司已上祿有差日暮車駕還宮 壬戌太宰府言豐前國解備長
 官若次官一人任中一二度被聽取海路入京以辨濟雜務者勅
 依請但令任用之官堪事者入京自餘管内諸國亦准之 癸亥
 攝津國節婦士師衣富女特授位二階終身免國戶田租 甲子

地震伊賀國言國印文歷年代文字割失行用不明者勅宜鑄造充之 戊辰聖躬不豫遣內監等誦經諸寺各以綿一連為布施是日遣能登國存問渤海客使少內記縣大養貞守等馳驛奏上客徒等將來啟牒案彼國王啓曰彝震啓季秋漸冷伏惟 天皇起居萬无此彝震蒙恩修暇便還算年未紀今更遣使誠非守期雖然自古隣好憑札相交曠時一歲猶恐情踈况茲皇律轉迴風霜八變東南向風瞻慕有地寧能恬寂罕續音塵謹備土物隨使奉附色目在於後紙伏惟體鑒溟漲阻遙未由拜覲下情無任馳係謹差永寧縣丞王文姬奏啓不宣謹啓獲中臺牒備渤海國中臺省牒 日本國太政官應差入覲貴國使永寧縣丞王文姬并行從一百人牒奉處分邀矣兩邦阻茲漲海契知好於永代宰音書於使程一葉飄空泛積水之遐際雙旌擁節達隣情之至誠往復雖遙音耗稀傳感懷空積所以勿待紀盈中憑舊准謹差永寧

縣丞王文矩令覲貴國者准狀牒上日本國太政官者謹錄牒上謹 癸酉宴公卿及近習於內殿賜衣被叙死位粟田朝臣真嶋從五位下 丑行幸雙岳廻幸冷然院觀魚是日存問使等馳驛奏詰問客從等違例入覲之由問答文等 壬申以存問使少內記正七位下縣大養大宿祢貞守直講從六位下山口忌寸西成為兼領渤海客使 庚辰興福寺大法師等為奉賀天皇寶算滿于四十奉造聖像廿軀寫金剛壽命陀羅尼經廿卷即轉讀四萬八千卷竟更作天人不散致天女羅拂石翻擊御藥俱來祇候及浦嶋子暫昇雲漢而得長生吉野女眇通上天而來且去等像副之長歌奉獻其長歌詞曰日本乃野馬基能國遠賀我侶伎能宿那毗右那加葦管遠殖生誌津國固米造與瀛波起 每 年尔春波有朕今年之春波每物尔滋榮惠天地乃神毛悦比海 山毛色聲變志梅柳常殊尔敷榮咲万比閑天鬻毛聲改且八

千種不奇事波苗刺志天照國乃日宮能聖之御子曾瓠葛天能
梯建步美天降利坐志大八洲日嗣能高御座萬世鎮布五八
能春尔有穰我國之聖乃皇波尊毛御坐加日宮能聖之御子能
天下尔御坐天御世御世尔相羨襲且每皇尔現人神止成給御
坐世四方之國隣皇波百嗣尔繼去址何且等久有年取以尔神
毛順比佛位敬給布益益尔今我帝波往尔不御坐志將來毛何
申年釋迦之法弘米給且出家之人法乃族遠罪有度赦賜都咎
有止宥米賜都无譬波御擊乃異廣久御坐世出家人法族波御
世恒尔惜蚌年月速堰伽留天不過頭鎮年止誓願比禱申勢
然礼度世之理度歡之春尔有秋何且志帝之御世萬代尔重祿飾
且奉令榮度拓之枝乃由末劫佛曾願成志多聖而已驗波伊萬
世所以尔帝遠鎮尔驗尔漸陀羅尼乃御法世卷尔寫志繕倍護成
須聖之御像世軀奉造且世之師乃悟開天行布人遠調且倍誠乎

致志四萬尔八千卷添且誓願奉讀利飾祈鎮申世行留此之所
為乃態乎何尔志陳倍聞止江年苗刺須終日爾加鳥玉乃狹夜通
右時日經天思付尔落湍乃堰賀祿天世中乃伊須賀志熊遠添
飭利申結上留就中尔大海乃白浪開且常世嶋國成建天到住
我聞見人波萬世能壽遠延漸故事尔云語來留澄江能洲尔釣
世皇之民浦嶋子加天女釣來且紫雲之引且片時尔將且飛
往天是曾此乃常世之國度語張比七日經誌加无限久命有誌
此嶋尔許有且良三吉野尔有志態志天女來通且其後波蒙謹
天毗礼衣着且飛尔支云是亦此之島根乃人爾許有且云椰五
種乃寶雲波大悲者乃千種乃御手乃人乃世遠萬代延留一種
乎別尔莊天萬代尔皇乎鎮尔儀上之綠松波百種乃尔別
藤花開采尔萬世尔皇鎮尔鸞波枝尔遊天飛舞且轉歌比萬世
尔皇乎鎮尔澤鶴命乎長尔濱尔出且歡舞天滿潮乃無断時尔

萬代不皇遠鎮倍薰修法之力乎廣哉大悲者之護乎厚哉萬代
 大御世成波如八十里城不芥子拾布天人波拳手不拾成
 好如八百里磐根不既也札衣裾垂飛不拂人不拂成天皇乃護之
 法乃某乎擊持來候布如是鎮倍事者每事雖劣每物非數也旅
 人不宿春日不山階乃佛聖乃奉獻也布不大御世乎萬代祈利佛
 申上流事之詞波此國乃本詞不遂倚天唐乃詞遠不假也書
 記不須博士不雇也須此國乃云傳也日本乃倭之國波言玉乃當
 國不渡古語不流來不神語不傳來不傳來事任也本世乃事尋者
 歌語不詠反也志神事不用來利木乃世也依遵也佛也神也奉陳
 且禱也誠波也丁寧度聞也謝食也嬰兒乃咳語也仁折著也乃本末不知
 乱絲乃乱也有也亂九重能御垣之下也常世鴈率連也狹壯鹿也乃
 膝折反志候開增言也須何也以聞也汙流志競恐留何也以聞也籙
 者夫倭歌之體比與為先感動人情最在茲矣季世陵遲斯道已

隆今至也禮中頗存古語可謂禮失則求之於野故採而載之於是
 大法師等寓居右大臣家遣右近衛少將橘朝臣貞直也宣勅慰之
 即施御被賜雜色也狀餘人調布各有差夏四月甲子朔乙酉奉
 授阿波國天也鷲神從五位下戊子勅去美和七年定諸國穀直
 訖而今如聞穀價踊貴錢幣差賤而猶守舊程不隨時宜改前直
 一依當時仍須隨陸海之貢輸取定數於京師准其沽價以為穀
 直自今以後立為恒例庚寅常陸國久慈郡稻村神預之官杜
 緣水旱之時祈必致感癸巳天隕霜焉風景之寒宛似二月
 丙申地震癸卯周防守從五位下丹墀真人弟梶為兼鑄錢使
 長官辛亥領客使等引渤海國使王文矩等入京遣勅使左近
 衛少將從五位上良岑朝臣宗貞慰勞安置鴻臚館宣命曰天皇
 我詔旨也崐也方宣也又有司也奏也彼國乃王一紀也為期也天朝拜乃使
 進度也須倍然乎此度乃使等遣期也天也恭來也如常也不遇也自境

還遣此年奏利然此止遠涉荒波天惡處尔漂着天人毛物毛損
 傷礼艱苦此世利聞食天矜賜比免給此布宣又宣久熱時尔遠來且
 平安尔侍此相見无日尔至此且此尔侍天依息止宣大和國添
 上郡人從七位下紀朝臣核繼正六位下紀朝臣核核主太宰帥親
 王家今文学從七位下紀朝臣核吉越中博士從七位下紀朝臣
 生永從八位下紀朝臣實等改本居貫附左京六條一坊 壬子
 天皇御武德殿閱諸牧駒兼覽騎射 癸丑賜渤海客徒時服
 五月甲寅朔日有蝕之 乙卯渤海國入覲使大使王文矩等詣
 八省院獻國王啓函并信物等 丙辰天皇御豐樂殿宴客徒等
 宣詔曰天皇我詔旨此良万宣不勅命乎使人等聞給此倍与宣久國
 乃王恙王文矩等進度之天皇我朝庭乎拜奉留事乎矜賜比慈
 賜此冠位上賜比治賜此久宣布天皇我勅命乎聞食此支宣
 大使已下首領相共拜舞訖授大使王文矩從二位文矩去弘仁

十三年叙正三位故今增位叙從二位副使馬孝慎從四位上大
 判官馬福山少判官高應順並正五位下大録事高文信中録事
 安壽少録事学英真並從五位下自餘品官并首領等授位有階
 戊午天皇御武德殿覽馬射六軍擁節百寮侍座有勅命文矩
 等陪宴宣詔曰天皇我詔旨此良万宣布勅命乎使人等聞給止宣
 又五月五日尔茶玉乎佩天飲酒人波命長久福在此奈聞食須
 故是以茶玉賜比御酒賜此久宣日暮乘輿還宮 癸亥遣公卿
 於朝堂饗客徒宣詔曰天皇我詔旨此良万宣布勅命乎使等聞給
 止宣破皇朝乎拜奉天國尔還退婚時近在尔依此奈國王尔祿
 賜比文矩等御手都物給比饗賜此久宣 乙丑遣参議從四
 位上小野朝臣篁右馬頭從四位下藤原朝臣春津少納言從五
 位下藤原春正右少弁從五位上橘朝臣海雄左少史正六位上
 大窪益門少内記從七位下安野宿祢豐道等於鴻胥館賜勅書

并太政官牒此日客徒歸却勅書曰天皇敬問渤海國王入貢使
文矩等至省啓具之惟王敦志欽仁宅心懷懋飛颺不斷望日域
而忘遐貢進相尋想遼陽而如近眷其勤若良嘉乃誠但務暇之
期一紀為限先皇明制國憲已成故有司固請責文矩等以背尋
規自邊還却朕閱其匪躬之故遠踏重溟船破物亡人命終活便
得入奉朝覲拜首軒墀祿賜榮班准憑恒典斯乃一切之恩難可
再恃王宜守舊章而不失昭明德以有恒唯存信順之心誰嫌情
禮之薄夏熱此清適也文矩今還略申往意并寄王信物如別太
政官牒曰日本國太政官牒渤海國中臺省入覲使永寧縣丞王
文矩等壹佰人牒得中臺省牒備邀矣兩邦阻茲漲海契和好於
永代寄音書於使程頃者兩邦通使一紀為期音耗稀傳感懷空
積所以勿待紀盈中憑舊准謹差永寧縣丞王文矩今覲貴國者
事之小大理難自由盈縮期程那得在彼事須在所却還戒其愆

違官具狀奏聞奉勅文矩等孤舟已破百口終存眷其艱辛義深
合宥宜特賜恩隱聽奉入覲爵賜匹段准據旧章但權時之制不
可通行詳告所司莫令重違者准處分覲礼云畢仍造舟船及時
發遣附勅璽書并國信今以狀牒牒至准狀故牒 戊辰於清涼
殿令講四卷金光明經晝則演說夜則礼懺 辛未講經事畢
戊寅幸神泉苑公卿集裝福門終日宴樂召大學博士文章生等
合賦詩其題曰陪我福門便得陶暑是日獻詩者十四人 壬午
丹波國言律讀師者依請許之 六月癸未朔遣使巡檢京城飢
民開倉廩以賑恤緣霖雨也奉授豐後國宇奈岐比咩神火男火
咩神並從五位下 丙子聖躬不豫遣內豎七人誦經諸寺 庚
戌越前守從四位下良岑朝臣木連卒故大納言贈從二位安世
朝臣第一男也容儀閑雅色價有藹初除大學助以父憂去職天
長八年正月叙位從五位下除下野外秩滿入京任式部少輔兼

和三年叙從五位上拜陸奧守五年三月叙正五位下八年正月
除左中弁十一年正月叙從四位下任越前守木連自持良家子
而齡且少壯欲立功名好施異治為諸神戶所行之政不純曰例
殊是察察同察禁之距而不旨遂因此失之受其咎悔而改之無
有効驗卒時年四十六 秋七月壬子朔從五位下清滝朝臣河
根為大和守外從五位下高丘宿祢宗雄為从從四位下岑成王
為叢濃守 乙卯地震 庚申從五位下縣犬養宿祢氏河為少
納言從四位下岑成王為彈正大弼從五位下橘朝臣時授為左
衛門權佐從五位下藤原朝臣春畷為右衛門權佐從五位上田
口朝臣房富為叢濃守 庚午地震 癸酉叢濃國池田郡養基
神預官社緣有靈驗也 戊寅近江國粟太郡人木工大工正七
位下小槻山公家嶋賜姓興統公并改本居貫附左京五條三坊
八月壬午朔天皇御紫宸殿宴侍從已上賜祿有差 甲申右

京人右衛門少志從七位上基忌寸善氏賜姓清江宿祢 乙酉
太宰府馳驛言上大唐商人五十三人多賣貨物駕船一雙來着
丙戌左京人六世善淵王善水王常名王貞固王有道王永城
王有敏王岑雄王岑行王弘岑王忠臣王正臣王常景王茂景王
有統王有明王有基王等賜姓清原真人 壬辰春河國守從五
位下安倍朝臣氏主獻白馬四十疋牛四十頭支子四十解為是
奉賀天皇寶筭滿千四十也 辛丑授正六位上橘朝臣仲宗從
五位下從五位下藤原朝臣貞道為叢作从右近衛少將從五位
上橘朝臣真直為兼安藝守從五位下八多朝臣安繼為从從五
位下橘朝臣高宗為太宰小貳從五位下登叢真人直名為豐後
權守 丁未叢濃國方縣郡前權大領外正八位下叢縣貞繼賜
姓善根連 九月辛亥朔從五位下中臣朝臣逸志為兼神祇權
少副內藏頭如故 丁巳遣左中弁從五位上文室朝臣助雄等

奉神寶於伊勢太神宮是廿年一度所奉例也 己未是重陽節也天皇御紫宸殿賜宴如常命文人同賦託附之題宴竟賜祿有差 辛酉天皇御八省院奉幣帛於伊勢太神宮例也 丙寅奉授山城國葛野郡大辟神從五位下緣屢有靈驗所祈必應也 丙子參議從四位下藤原良相為兼右大弁左近衛中將相模守如故參議從四位下滋野朝臣貞主為兼宮內卿尾張守如故參議從四位下伴宿祢善男為兼式部大輔右衛門督如故 冬十月辛巳朔乙酉近江國愛智郡人音博士從六位下物部弘範散位從六位上物部弘範等改本居貫附左京六條二坊 丁亥從四位下菅野朝臣人數為尚侍 庚寅奉授加賀國治浪神從五位下是日某師寺僧等繕寫某師經卷盛之高札獻之為奉賀天皇室筭滿也施僧等御被及襖子 辛卯近江國淺井郡荒廢田九町賜從五位上橋朝臣清子 癸卯嵯峨太皇太后遣使

奉賀天皇卅室筭也其獻物黑漆平文厨子十基盤机二前就中一前御挿頭造元香山以此檢一前居和琴二面黑漆厨子六前盤御赤漆櫃八十合盤檢并櫃飯八十合中取五十二前居折櫃食正四百口酒類黑漆棚厨子廿基盤盤物乾餅凡殿山海珍味數百棒既而天皇御紫宸殿音樂迺奏歡樂終日賜諸大夫祿是日太皇太后復以錢五十萬賑恤京中飢民又以新錢十四貫文誦經七大寺及梵釋崇福延曆等寺為復祈冥翊也 丙午有勅賜非人逸勢男龍劔實山等本姓聽入京 十一月辛亥朔壬子武藏國播羅郡奈良神播磨國佐用郡佐用津姬神並預官社左京人讚岐守從四位下長田王彈正大弼從四位下岑成王賜姓清原真人 己巳叙從四位上菅野朝臣人數從三位正六位上田口朝臣館子從五位下 壬申皇太子上表奉賀天皇卅室筭其辭曰臣諱言臣聞三十而立加之十年德行可以治

邦家機事可以无疑慮即知三十九前而通曰狀聖人莫聽其名
 聲四十以往而所謂中先哲欲得其善理者矣伏惟 皇帝陛下
 生知睿哲誕稟聖靈端玉藻而御慈章懸金鏡而臨環宇握七百
 八十代之皇曆獨富春秋推三萬六千歲之仙齡唯盈五八沉思
 下濟漏玄澤而無涯方略傍宣截遐荒而有裕斯乃一人有慶之
 日兆民共賴之年九百臣下歡心如一况臣位為諸子之長慶奉
 皇慈職為群臣之首祗居鴻緒信可以顯君父之懿德慶臣子
 之純誠仍表延祚之情設獻壽之礼採紫珠之嘉實用供粹頭之
 祥調玉琴之重絃以充垂手之慶肴核敢陳恐其非饌金石間奏
 且將率舞伏願中和所樂德廣弥敷保萬壽之無疆懷百神之多
 福人稱有道我乃無為使群臣成鹿萍之歡六方致鳧藻之感其
 獻物机二前一前御御厨子四前二前以熟香以納
 御裝束机十前黑漆棚厨子四基御赤漆櫃合

納食擯飯卅合折擯食八十合酒八十並魚菜各卅並水陸雜物
 數百捧既而天皇御紫宸殿音樂通奏歡樂終日賜諸大夫禄甲
 戌授從四位上橘朝臣永名正四位下從五位上石川朝臣永津
 正五位下從五位下橘朝臣枝主安倍朝臣長谷並從五位上正
 四位下笠朝臣繼子從三位正五位下秋篠朝臣京子從四位下
 從五位上大原真人金子正五位下 乙亥皇太子入覲於清凉
 殿獻御贄百餘捧兼設熟饌右大臣藤原良房朝臣及宰相兩三
 人近習臣等得陪宴席夜深賜殿上侍臣禄此夜叙春宮亮從五
 位下藤原朝臣良仁從五位上大進正六位上藤原朝臣正岑從
 五位下雅樂權允正六位上和近部嶋繼外從五位下 丁丑今
 上皇子十九人源氏二人相共獻物於清凉殿御贄熟食充庭溢
 聞音樂終日賜祿如例 巳卯左中弁從四位上藤原朝臣嗣宗
 卒故肥後守從五位下永貞之長子也少遊學館從此立身天長

九年正月叙從五位下任宮內少輔二年八月遷中務少輔四年
除散位頭八月遷民部少輔十月任少納言美和六年補右中弁
嗣宗不避寒暑夙夜在公天皇照其忠勤特垂優寵美和五年正
月七日天皇將御豐樂院於紫宸殿南階欲駕御輿嗣宗以少納
言桓候鈴奏趨立大庭天皇更駐御輿令書嗣宗正五位下位記
供奉諸司不知誰身相共恠之至于踏印嗣宗預之乃知自分不
勝感悅不覺淚下又至七年八月叙從四位下拜越前守秩滿歸
來与伉儷相談云我之仕進窮盡於此今則棲遲田舍耳于時傍
人應言嚶焉嗣宗大驚自恃矣俄叙從四位上拜左中弁此兩般
榮進銘服不忌豈非至忠收感天鑒高懸乎每稱此語以為口實
卒時年六十二 十二月庚辰朔丙戌天西北有電光數十度
丁亥三品上總太守基貞親王上表曰臣基貞言臣近披肝膽遠
叫船園九重隔深未蒙矜許臣聞人心所欲上天或從之以仁物

性攸偏朋豈不強之以化故唐堯道洽皮冠未妨箕嶺之遊漢祖
風高羊裘猶全富春之際臣幼有厭俗之志緣叨聖主之恩矯性
勵心強齒簪紱欲盡忠勤而獻妨猶苦愁生之不堪至今已沉痼
疾不復全人即知天授之攸鐘遂難以人事騫激伏惟聖主陛下
仁超飛帝德駕輪王既有鑿因果而不疑冀賜感宿業之攸速又
臣幸以頑質原被聖恩知在此身終難報答但望出家功德念佛
勝利雖戒行不全而或捕萬一若更累頭髮再塵印章則生為失
志之具臣死為含恨之恩鬼不任慙切之至重亦拜表以聞許之
壬辰太宰府馳驛奏上豐後權守從五位下登哉真人直名謀
叛之狀 甲午奉授伴馬立天照神伴酒着神從五位下 巳巳
右大臣藤原良房朝臣獻物於清涼殿水陸珍味莫不咸萃日暮
賜殿上侍臣祿有差 閏十二月庚戌朔戊午四品人康親王為
上總太守從四位下清原真人岑成為左中弁 巳未乘輿巡省

京城以錢米賑給窮者比至囚獄司前天皇問曰是爲誰家右大臣藤原良房朝臣奏言囚獄司於是殊降息詔皆免獄中罪人群臣欣悅俱呼萬歲 癸亥叙從四位下橘朝臣御井子從三位庚午公卿已下於侍從所宴飲歌舞殊有勅賜侍從已上內外諸太夫等祿各有差先是紀伊守從五位下伴宿祢龍男與國造紀宿祢高繼不愜於是不忍怒意輒發兵捕高繼并黨與人等仍可勘申狀官符下知已畢而今日椽林朝臣並人馳來申云守電男分遣從僕各帶兵仗暗中放鎬威脅衆庶或被執囚圍日夜叫呼或東西奔走中途流離並人諫曰百姓有犯過者雖云長官須委之傍吏任理勘決而躬補前人事非物情龍男固拒不聽仍脫身入京者又高繼所進之國符備國造紀宿祢高繼犯罪之替擬捕紀宿祢福雄者勅國造者非國司解却之色而輒解却之推量意志稍涉不臣宜得釐務任法勘奏此日四品安勅內親王入道上

表選爵品許之

續日本後紀卷第十九

續日本後紀卷第二十起^{嘉祥}三年正月盡三月廿一日

太政大臣從一位臣藤原朝臣良房等奉

勅撰

^{嘉祥}三年春正月庚辰朔終日雨降先是去月廿九日亦大雨焉因停朝賀天皇御紫宸殿宴侍從已上賜御被 壬午地震 癸未北風切吹白雲紛紛天皇朝觀太皇太后於冷然院親王以下飲宴酣樂賜祿有差須臾 天皇降殿於南階下端笏而跪召左大臣源常朝臣右大臣藤原良房朝臣 勅曰被太后命稱吾處深宮之中未嘗見我帝御輦之儀今日事訖階下登輿使得相見者朕再三固辭遂未得命於卿等意如何大臣等奏云禮敬而已如命而可天皇即登殿至御簾前北面而跪于時寄鳳輦於殿階天皇下殿御輦而出左右見者攬淚命曰 天子之尊北面跪地孝敬之道自天子達庶人誠哉 乙酉聖躬不豫 丙戌不御紫宸殿勅命左右大臣行事不萎女樂詔授四品忠良親王三品正四位

下源朝臣融從三位從四位下藤原朝臣良相從四位上從五位
下義志真王從五位上正六位上並野王嗣岑王並從五位下正
五位下滋野朝臣貞雄藤原朝臣氏宗並從四位下從五位上藤
原朝臣貞守橘朝臣真直並正五位下從五位下藤原朝臣並藤
文室朝臣真室橘朝臣海雄良岑朝臣宗貞並從五位上外從五
位下山代宿祢氏益伴宿祢宗春日臣雄繼讚岐朝臣高作正六
位上源朝臣類橘朝臣信蔭橘三夏藤原朝臣北雄橘朝臣未茂
橘朝臣門雄百濟王教福春原朝臣未繼紀朝臣貞守丹墀真人
棟臣田口朝臣統範南洲朝臣弘繼文室朝臣雄道藤原朝臣顯
基伴宿祢主雄桑田真人虎吉粟田朝臣碓雄山口朝臣春方並
從五位下正六位上清村宿祢是嶺來田連安岑西漢人宿人並
外從五位下宴竟賜祿有差 丁亥於大極殿修最勝會叙死位
伊勢朝臣与子從五位上死位平朝臣可賀子藤原朝臣原福並

從五位下 甲午外從五位下名草宿祢安成爲大外記從五位
下桑田真人虎吉爲造酒正從四位下清原真人長田爲彈正大
弼從五位下紀朝臣貞守爲左馬助參議從四位下藤原朝臣長
良爲兼伊勢守左衛門督如故從五位下南洲朝臣年名爲尾張
守從五位上丹墀真人石雄爲武藏守從五位下丹墀真人棟臣
爲上總人從五位下紀朝臣好雄爲美濃人四品本康親王爲上
野太守從五位下藤原朝臣北雄爲下野人從五位下藤原朝臣
世數爲越後守從五位下當麻真人鴨繼爲兼人侍醫如故從五
位上安倍朝臣長谷爲丹波守從五位下坂上大宿祢貞守爲但
馬人從五位下笠朝臣岑雄爲石見守從四位下長岑宿祢高名
爲播磨守從五位下出雲朝臣岑繼爲人正五位下藤原朝臣貞
守爲兼備前式部少輔如故從四位上源朝臣安爲備中守從
五位上文室朝臣真室爲紀伊守從四位上源朝臣多爲阿波守

從五位下橘朝臣岑雄為從四位上源朝臣冷為讚岐守從五位下橘朝臣安吉雄為伊豫權公三品葛井親王為太宰帥從五位下南洲朝臣弘繼為肥前守從五位下常道真人兄守為豐前守外從五位下出雲朝臣全嗣為從五位下賀茂朝臣弟岑為豐後守從五位下嗣岑為日向守 乙未垂御簾覽踏歌也宴侍從已上賜祿有差 丙申天皇不御豐樂院勅遣大臣行射礼 已亥此日內宴也緣聖躬不豫不御仁壽殿於清涼殿垂御簾覽舞妓大臣已下文人已上陪宴日暮賜祿有差 辛丑奉授攝津國豐嶋郡阿比大神從五位下 壬寅地震 乙巳勅如聞頃來盜賊為群黎毗被害或暗中放火或白晝掠人宜令左右京職及五畿內諸國司申明舊章速搜捕若致警懼准法科責 丙午勅鎮國家攘疫癘佛力賴之宜令五畿內七道諸國修灌頂經法 已酉有如流星者經天落東其大如月光色赤青 二月庚戌朔

聖躬不豫皇太子侍殿上公卿盡候 辛亥勅四品安勅內親王依願令入道宜封戶及帳內資人品田收公但无品本封帳內資人依舊行之 壬午介遣六衛府佐已下覘捕京中群盜又令左近衛各十人巡檢東西有勅封戶百烟情給源朝臣良姬 甲寅御病殊劇召皇太子及諸大臣於床下令受遣制遣四衛府及內監等或賫御衣或賫綿布分散四方誦經諸寺左右馬寮御馬六疋奉鴨上下松尾等名神放諸鷹犬及籠鳥唯留鸚鵡又下知近江國禁諸殺生緣梵釋等修延命法故也諸僧綱十禪師及有驗者於御簾外令奉加持以緇十二疋為續命幡懸十二大寺刹左右馬寮各調走馬十疋候於八省東廊下是日諸衛府警固 乙卯御體疲殆衆僧入於御簾中繞御床而奉加持 丙辰使告御病狀於栢原山陵宣命曰天皇我詔旨止掛畏支栢原乃御陵也申賜始申又頃者御病發天惱苦比大坐須掛畏御陵乃護助賜

依天平久御坐培之所念行天奈參議左兵衛督從四位上
藤原朝臣助從四位下右馬頭藤原朝臣春津等乎差使天奉出
須此狀乎聞食天御體乎安不室祚無動久護賜比矜賜培恐義
恐儀申賜以申是日大法師真頂與北山近士觀善持入御簾
中奉加持觀善誓曰御病不除不更起坐不復飲食戊午分遣
內豎誦經諸寺各綿一連為布施已未遣使賑卹京中貧民
壬戌以綿七十屯誦經京邊七箇寺甲子請名僧六十口於紫
宸殿限三箇日轉讀大般若經又請天台宗座主前入唐請益傳
燈大法師位圓仁及定心院十禪師等於仁壽殿令候文殊八字
法乙丑陸奧出羽按察使從四位下藤原朝臣富士麻呂率高
野天皇參議從三位式部卿巨勢麻呂朝臣之曾孫從五位上真
作之孫正五位下村田之第二子也少遊大學頗涉史漢天性溫
雅兼使弓馬天皇在東宮之時稍蒙恩遇天長十年正月任少進

尋遷右近衛權將監同年二月天皇受禪踐祚即叙從五位下轉
任少將兼和四年正月兼阿波公九年正月叙從五位上七月叙
正五位下轉任中將十二年正月叙從四位下又在宿衛能得士
卒之歡心天皇謂有將帥之才十三年出為陸奧出羽按察使起
任日天皇引於清涼殿恩詔鄭重賜被衣并綵帛有數嘉祥二年
冬有勅遷京三年春疽發背卒人皆悲惜之時年卅七丁卯讀
經竟有施有差又施度者各一人戊辰太皇太后憂念天皇之
餘悶絕數數中使問起居者相望於道庚午地震辛未以三
論宗少僧都實敏法相宗大法師明詮天台宗大法師光定持持
門大法師圓鏡等為座主於清涼殿限三箇日講法華經諸宗大
德翹堯者三四人預席發揚大義各持矛楯天皇隔御簾而聽之
甲戌元品秀子內親王薨嵯峨太上天皇之皇女今上之同產
也遣兵部大輔從四位上豐江王木工頭從四位下興世朝臣書

主右京亮從五位上橘朝臣枝主左京亮從五位下飯高朝臣永
 雄等監護喪事 丙子遣使誦經京城四十九寺各綿一連為布
 施又以續命幡四十梳各懸利柱限三箇日修延命之法又於豐
 樂院命真言宗修護摩法 勅攝津國荒廢田陸拾壹町為冷然
 院田 三月己卯朔辛巳散位從四位上大中臣朝臣淵魚卒故
 南朝右大臣正二位清曆朝臣之孫正五位下繼曆之第三男也
 大同四年有勅以功臣之後叙從五位下弘仁六年任神祇大副
 厥後稍經階級登于四位即轉伯尋兼攝津權守天長十年叙從
 四位上兼和十年上表致仕立性謹密暗練神事自弘仁六年至
 兼和九年都廿八箇年兼掌伊勢太神宮祭主自臥家園不廁人
 物幽閑送日某餅待終時年七十七 癸未地震請名僧百口於
 紫震殿限三箇日轉讀大般若經 丙戌百僧歸却布施有差又
 施度者各一人遣使誦經兩京及畿內近江丹波等國一百寺各

綿一連為布施又圖畫帝釋像百鋪安置件百箇寺各以兼和錢
 一千文為燈料此日織部司言元來無印行事有妨勅鑄造充之
 戊子遣使誦經京城七箇寺 己丑令大法師道詮等請戒
 主上口受永生殺復修理破壞寺百院復遣使誦經十三大寺
 庚寅鈴印櫃鳴聲如振膳部八人之履共為鼠啣又內印盤襍
 為鼠喫乱 壬辰卜食申拍原山陵告崇仍遣使奉宣命曰天皇
 我大命掛畏 御陵為崇賜昭利申利因茲恐畏此无波若欲御
 卜來觀掛畏 御陵為崇賜昭利申利因茲恐畏此无波若欲御
 陵內不犯穢事此在止今巡察此為玩奈參議從四位上行左
 兵衛督藤原朝臣助從四位下行宮內大輔房世王等乎差使天
 奉出須此狀乎聞食天御體平安不寶祚无勅久護賜比矜賜此
 恐壞申賜此申 甲午復奉宣命曰天皇我大命止掛畏岐拍原
 乃御陵不申賜此申久頃間御台申不為崇賜昭利依天使臣乎

奉出天令巡察留御陵內不斫樹留事在楸此乎下聞食恐畏初
天御陵司等好法隨不勤賜比御陵守等好替退賜比訖奴是以
參議從四位上行左兵衛督藤原朝臣助民部大輔從四位下基
兄王等乎差使天申謝奉出此狀乎聞食天天皇朝廷乎御體平
安不寶祚无動久護賜比矜賜比恐義恐義申賜比申此日御體
綿綿事極屬續諸名僧等持認誓願五輪投地不暫休息左右非
違獄中人除盜之外悉從放免 乙未遣固關使右中弁從四位
下藤原朝臣氏宗散位從五位下御春朝臣真濱為近江國使散
位從五位下藤原朝臣管雄為美濃國使右衛門權佐從五位下
藤原朝臣春正散位外從五位下上毛野朝臣綱主為伊勢國使
正五位下行式部少輔兼備前左藤原朝臣貞守為左右兵庫使
殊令賚御衣州餘襲綿三百屯馳使誦經諸寺 丙申配流人和
氣朝臣齊之讚岐朝臣永直特聽入京餘並配近國豐後權守從

五位下登美真人直名紀伊守從五位下伴宿祢龍男等皆從放
免 丁酉於清涼殿修七佛茶師法畫七佛像懸御簾前七重輪
燈立於庭中復於紫宸殿南庭新度十人先是有詔度五百人是
日天皇落錫入道誓受清戒四品中務卿宗康親王從四位上阿
波守源朝臣多同時入道並 天皇之皇子也時人莫不悲之
己亥地震帝崩於清涼殿時春秋狀一諸衛府禁衛嚴密左右近
衛少將各一人率近衛等陳於皇太子直曹參議從四位上左兵
衛督藤原朝臣助學左右近衛少將將曹等賚天子神璽室劔符
節鈴等奉於皇太子直曹從四位下藤原朝臣衛監左馬寮從四
位下清原真人瀧雄監左馬寮散位從五位下小野朝臣千株少
納言從五位下懸太養宿祢氏河監鈴印櫃皇太子御輦車廻於
東宮左右大臣已下導從六衛府陣列如行幸之儀 庚子任御
彛司長 辛丑左右近衛陳着鎧甲 嵯峨太皇太后依病入

道 癸卯奉葬 天皇於山城國紀伊郡深草山陵遺制薄葬綾羅錦繡之類並以帛布代之鼓吹方相之儀悉從停止帝毅愍聰明苞綜眾藝最耽經史講誦不倦能練漢音辨其清濁桂下漆園之說群書治要之流凡厥百家莫不通覽兼愛文藻善書字淳和天皇之草書人不能別也並工弓射屢御射場至鼓琴吹管古之虞舜漢成兩帝不之過也留意醫術盡諳訪經當時名醫不敢抗論帝嘗縱容謂待臣曰朕年甫七齡得腹結病也八歲得臍下絞痛之病尋患頭風加元服後三年始得胸病其病之為體也初似心痛稍如錐刺終以增長如刀割於是服七氣丸紫苑生薑等湯初如有効而後雖重劑不曾効驗冷泉聖皇憂之勅曰予昔亦得此病衆方不効欲服金液丹并白石英衆醫禁之不許予猶強服遂得疾愈今聞所患非草藥之可治可服金液丹若詢諸俗醫醫整等必駁論不肯宜海淡海子細論問隨其言說服之度奉勅

旨服茲丹某果得効驗兼為救解古矣設自治之法世絕良醫倉卒之變可畏故也今至晚節熱發多變救解有煩世人未知朕躬之本病上皇之勅旨必謂妄服丹藥兼繼自治而敗焉宜記由來令免此榜恭導詔旨記而載之 帝從少小聖體尪羸然而負宸之年既登十八仙齡之筭亦踰四十來諸中古應无慙德盖由修善行仁服食補養之力者歟

續日本後紀二十卷是仁明帝之實錄而忠仁公之所撰也茲書一繙之則上世之善政往昔之殊行可坐見焉好古之士不可以不窺之往者有薦紳先生以此書屬余請以點竄之余思之 本朝之古典非啻殘行蠹魚亦害之殆非集會群籍參考同異者奚得為其完好

以故雖固辭不饒遂交朱墨頗以校之
然而其書偶轉寫於書林仍今書林氏
欲命之新鑿再請余訂正余亦辭不措
乃草草看過聊以加毫間有脫簡重出
庶乎君子改焉

寬文八戊申 孟冬穀旦 立野春節識

明治十六年四月十一日出版御届
同年五月出版

參考并出版人

東京銀坐貳丁目十一番地

神奈川県平民

岸田吟香

全

全 麴町四丁目十三番地

東京府平民

磯部太郎兵衛

全

全 神田五軒町五番地

愛知縣士族

林安之助

發兌人

大阪本町四丁目書林

赤志忠七


印行所

東京神田五軒町八番地

石版銅版木版諸株券書籍類印刷所

精版會社

149
20
9



179
20
9